




重修家譜序

古者氏族之志掌於官秦燔詩書史失其職士大夫始有私自記載者由漢迄今沿襲弗替所以嚴宗法尊先德而敦一本也吾家宗譜始修於十二世象雍公再修於十五世蔭蒼公徒以不克付梨棗以鈔本相傳而已先伯兄乙青承先府君竹屏公遺志益以族人之厚屬乃披故實訪族衆闡先德定體例本舊度之譜而創稿焉計始於光緒二十年至民國八年稿凡數易規模稍具以間有疑義方日從事訂正而天之奪年賣志而歿遂以殺青之責一




昇於予予年運而往矣考獻徵文固非素擅因商諸貞吉陳君子
石沈君有疑者則質諸黃君渠臣閱時二載著其明闕其疑始觀
厥成先伯兄之緒既於是焉承而先府君之志亦於是焉竟至於
修刊各費則出自義莊義莊之成以先叔兄亮卿之力爲獨多云
嗚呼世風不古禮教寢微箴倫壞紀之說興而收族敬宗之誼薄
後生小子眩異嗜奇支離詭舉凡古聖賢所謂國本在家不出
家而成教於國之大道鄙夷而吐棄之家且不知更何有於族派
之親疎家乘之統系哉然則是譜之成於今日亦祖宗之靈有以



默啟之耳後世子孫其或數典忘祖以余爲多事耶抑將探本窮源繼余而重修之耶詩云毋念爾祖聿修厥德族之覽是編者尙念之哉

中華民國十九年 月 日居蘇十九世孫啟徵



劉氏支譜

卷首

重修家譜序



乙亥年重修支譜記

維幹髫齡侍讀常聞先大夫講述先世故事恒至午夜不倦歲時
薦祭則必出代圖遺像懸諸中堂指示家人曰某祖勳臣也某祖
詩人也某祖徵君也某祖名醫也某妣節婦也某妣壽母也俾瞭
然于先世之嘉言懿行高風亮節且嘗詔示兒輩曰吾族宗譜向
無梓本洪羊劫後吾支遷沙鈔本亦經散失迨余遊學故鄉族人
始搜檢舊牒付以修纂之責故余于服務社會之餘常競競業業
以重修譜牒爲念于以知先大夫不特篤于報本之思抑且受付



託之重其於遺蹟之搜羅宗族之調查體例之考訂支派之分列
尤苦心孤詣務求完善然愈求美備愈茲疑慮是以垂數十年之
久未能定稿維幹每於寒暑假歸嘗命鈔錄亦至二十七遍之多
可見先大夫用心之苦致力之勤惜于乙丑仲秋賚志以歿未竟
全功誠爲遺憾然積稿盈篋大体已備厥後維幹與長兄維庚以
繼承先志爲念乃請由四叔啟徵賡續主纂朞年而成復經長兄
維庚繕錄清稿付諸剞劂印刷之費例由義莊公款支付然亦幾
經周折其間往復蹉商任勞任怨長兄維庚之力爲多其時適維



幹執教滬瀆畀以校讐之任而手民識淺謬誤殊多頗感困憊兩
易寒暑始克殺青噫吾劉氏至今日而益衰源遠而未分口多而
心異貪鄙詐戾者往往雜出其間貧窮而不知卹患難而不知援
頑鈍而不知教私利而不知化甚至親其妻妾而讐其_昆弟季冥
冥汶汶將入于禽獸之歸每使小子顧瞻廬舍閱劉氏之故籍隱
憂於心不禁慨然流涕太息曰嗟乎此獨非中議公之後乎而何
以至於斯也雖然父母兄弟吾身也祖宗父母之本也族人兄弟
之分也不可以不思也思則饑寒而相娛不思則富貴而相攘思

則萬葉而同室不思則同胞而吳越是在思不思之間而已矣茲
值重修支譜告成之日敦宗睦族其將始於此乎謹述修纂之始
末而爲之記


中華民國二十四年歲次乙亥裔孫維幹謹記



凡例

一吾家抄譜自康民公以下派別支分有條不紊故斷自康民公爲居蘇一世祖由康民公以上族衆繁多本無完全宗譜可考惟劉家河玉遮支手抄舊譜上溯南渡頗有疑點代遠年湮無從考查糾正姑將玉遮一支另附於後亦有舉莫廢之微意焉

二舊譜一線貫串先長兄乙青定稿分爲數支以遷地別居爲分支之標準然支派分而世數仍舊前後銜接是流雖分而源仍合也自八世宏道公起居蘇州城內者爲金閶支自九世羽儀



公起居於光福鎮者爲鳳岡支自十七世韶鏞公起遷於海門者爲獅山支自十七世壽林公起由金閭遷海門者爲東洲支
三藝文錄如康民公詩存漸于公名賢真蹟錄兩卷本應付刊單行祇以詩教凌夷未敢問世故附刊於家乘之內以示承先啓後之旨云爾




修纂紀名

總纂十九世孫 變鈞

協纂十九世孫 啟徵

徵訪十八世孫 念修 二十世孫 維庚 維藩 維玉


校閱二十世孫 維幹 維禮 維馨 維騏



劉氏支譜

卷首

修纂紀名



總目

卷首

重修家譜序

凡例

修纂紀名

卷一

居蘇一世至十世上世系下世次

卷二



金閫支上世系下世次

卷三

東洲支上世系下世次

卷四

鳳岡支上世系下世次

卷五

獅山支上世系下世次

卷六



誥敕錄

史志錄

旌表錄

卷七

藝文錄 一族人所作文

卷八

藝文錄 二外人爲族人所作文

卷九



劉剛

氏

支

譜

卷首

總目

藝文錄 三族人所作詩

卷十

藝文錄 四族人所作詩


卷十一

藝文錄 五外人爲族人所作詩

卷十二

墳墓圖說

卷十三



家箴錄

祠產規則

卷十四


附錄



劉氏支譜

卷首

總目



劉氏支譜卷上一

世系

居蘇一世 二世 三世 四世 五世

溥^{七賓}

子

字原博

號康民

官太醫

院景泰

十才子

著有草

窗集明

史府志

賓

賢

慶

洪

子三

鳳

子三介

全 僉

介

全


子一章 無傳

僉

劉氏支譜

卷一上

一世至十五世世系



劉劉

氏氏

支支

譜譜

卷一上

修纂紀名

一世至十五世系

立傳

妣周安人

子六寶

賢

質

貴

實

質

一作贊

資

字季誠

官太醫

院吏目

妣華安人

子三傳出嗣

傳

侍

傳

字士通

號橘泉

出嗣資裔

詳玉遮史

傳

字景巖

成化舉

人官耶

中知府

華妣恭人

鵬

字禮步

禮部儒士

子二檜

桐

檜

字夢橘


歲貢儒醫

傳有全冲

圖肖像

子二炳

元



貴

源

驥

金

侍

子二省

睿

子二鶴

鶴

睿

子二鋤

鋤

省

鶴

桐

子一應焯
無傳

鋤

鋤





永

永多

天文

鑄

無傳



劉

氏

支

譜


卷

一

上

一

世至十五世世系



六世

炳

檜長子

字文亨

讀書粹卒

封中大夫

妣杜太淑

人旌表節

孝郡志立

傳

七世

承宗

字體仁

號培橘

吳下名醫

事詳府志

藝術傳

封中大夫

妣何太淑

人

子三宏道

宏度

宏謨

八世

宏道

進士官按察

祀鄉賢大宗

居城奉爲

金闕支祖

宏度

字衡山

文學師表

妣氏陸

子六羽儀

羽翔

羽翰

羽冲

九世

羽儀

徵君隱居

鄧尉奉爲

鳳岡支祖

羽翔

十世



劉氏

支譜

卷一上

一世至十五世系

宏謨

羽啓
羽成

羽翰

羽冲

羽啟

羽成

妣氏吳
二子開

聞

行之

開

字來之
無傳

聞

無傳



字謙山
儒雅有聲
子五皆失
攷




劉剛
氏

支譜

卷一上

一世至十五世系





劉剛

氏


支

譜

卷

一上

一世至十五世系




劉氏支譜卷一下

世次

居蘇一世

康民公諱溥字原博彥敬孫士賓子八歲賦溝水詩門前一溝水
日夜向東流借問歸何處滄溟是住頭時目爲聖童長遊兩京
研究經史博通天文曆數之學宣德時以文學徵有言公善醫
者授惠民局副使調太醫院吏目隱於吟詠忠憤之氣一發於
詩稱景泰十才子公爲主盟有草窗集兩卷見明史文苑傳府



志人物傳吳郡名賢錄醫學畫史等書徙居南濠康履橋題其堂曰全冲自號全冲子當世名流觴詠卷帙盈篋明季魏叔子書全冲堂卷後叙述甚詳今遺集失傳補刊草窗詩存一卷

妣周氏封安人

合葬於長洲縣九都三十一圖率字圩里仁巷主穴

子六賓賢質資貴實 女二

二世

季誠公諱資字種遠康民公四子太醫院吏目崇明縣醫學訓科



徐武功伯有貞爲作卷表其德業誥授承德郎江甯縣知縣晉

封朝議大夫兵部郎中泉州府知府

妣華氏封恭人


葬

子三傳 出嗣 傅侍

三世

橘泉公諱傳字士通季誠公長子邑庠生讀書尙志官太醫院吏

目出嗣仲銘公裔詳玉遮支



景巖公諱傅成化甲午舉人應天府江甯縣知縣曆任兵部武庫
清吏司郎中陞選福建泉州府知府敕授承德郎誥封朝議大
夫

妣氏華初封太安人晉封太恭人

葬長洲縣九都三十四圖制字圩塔紅堂頭

子二鵬 鶴

延齡公諱永年實公次子邑庠生太醫院吏目成化中敕命登仕
佐郎勅內有世承家學四字制爲匾額



妣氏失攷

葬

子二恩惠

四世

禮步公諱鵬景巖公長子禮部儒士 按唐解元寅榜以儒士而

中式者五人足見明制儒官可以下闈

妣氏失攷

葬



子二檜桐

五世

夢橋公諱檜禮部公長子歲貢生儒醫周東邨爲寫全冲堂圖以表祖德公與東邨老友也故將己像合繪圖中周自携童抱琴來公從堂外迎入門分賓主坐堂外堂內各繪兩像惟妙惟肖巧合自然東邨名臣唐解元六如師也此圖寫生妙手不僅作畫像觀洵乎傳家至寶珍藏至今慎勿輕視公之生配失詳得此名幀已足傳芳於不朽矣



葬長洲縣九都三十四圖制字圩塔紅堂頭

子二炳元

六世

文亨公諱炳夢橘公長子苦志攻舉業年十八瘁歿以孫官按察
布政

誥贈中大夫

妣杜太淑人十九守寡九十遐齡遺腹啟後孫貴請旌

誥封太恭人晉封太淑人苦節備詳蘇州舊府志并見同治新

府志列女傳

合葬

子一承宗

七世

培橘公諱承宗字體仁文亨公子幼承祖訓吳下儒醫名高一時

活人無數事詳邑志并府志藝術傳生正德卒隆慶享年六十

有五

誥贈中大夫



妣何氏 誥封恭人晉封淑人

合葬吳縣南利一圖寶華山

子三 宏道 宏度 宏謨


八世

筆山公諱宏道字志甫別號芝園培橘公冢子萬曆癸酉舉人甲

戌進士授惠安縣轉給事中歷任山東湖廣按察司僉事江西

福建布政使司左右參議晉雲南按察使司生嘉靖十八年卒

萬曆四十一年享年七十五




誥封中大夫崇祀滄浪亭五百名賢祠府志立傳文文肅公震
孟述行狀吳默志墓李謨作傳著有早圖朝肖像芝園自贊并
名賢祠像讚

妣氏伍 繼妣周 庶妣張

誥封淑人 恭人

合葬寶華山培橋公墓昭位

子四羽功羽德羽正伍出羽書周出女一張出適南京兵部尙
書少保莊簡公子楊大洽



衡山公諱宏度培橋公仲子品詣文學師表三吳袁徵君公白稱
公元氣渾龐飲人太和生嘉靖二十年辛丑卒泰昌元年庚申
享壽八十歲

妣氏陸

葬寶華山培橋公墓穆位

子六羽儀羽翔羽翰羽冲羽啓羽成



劉氏支譜

卷一下

一世至十五世世次



氏支譜卷二上
世系 金閩支

八世

宏道

承宗
長子

字筆山
萬曆甲戌
進士官至
雲南按察
使崇祀伍
百名賢祠
封嘉議大
夫事詳府
志行述家

九世

羽功

字海臺
太學生
妣氏湯
計
子二文泰
文岳


十世

文泰

字魯瞻
邑庠生
妣氏陸

文岳

字維申
邑庠生



傳傳有早

朝圖象贊

妣伍淑人

繼妣周淑

人庶妣張

恭人

子四羽功

羽德

羽正

羽書

諡貞靜

徐晟志墓

妣氏袁

周

子六元夔

元阜

元稷

元益

元望

元散

羽德 文台

字翼菴

太學生

妣氏歸


子文台

字四明

邑庠生

妣氏徐

子定國



羽正

文衡

字楚望

邑庠生

邑庠生

妣氏王

妣氏金

子四不詳

羽書

文歧

字叔凱

字中王

太學生

子一不詳

妣氏陳

十一世

十二世

十三世

十四世

十五世

元麟

文泰子



字子經

元夔

文岳
長子

字子一

妣氏順

子二祖述

祖武

祖述

字君述

妣氏陸

子遠無傳

祖武

元臯

文岳
次子

字子邁

妣氏傅

子二祖頤

出嗣祖頤

祖頤

字慎旃

妣氏盧

子毅

毅

字漢裔

妣氏金

上達

字鶴九

精堪興業

妣氏馮

馬

鉞

字鳴臯

妣氏錢

子二不詳



元稷

文岳
三子

字紫谷

名醫名畫

事詳魏叔

子書全冲

堂卷後文

姚氏韓

子祖期

嗣元阜

長子

祖期

字勉旃

儒醫名世

傳有張蟾

老人繪前

五代圖

姚氏吳

李

子四熊

峻

順

園

熊

字應占

繕修支譜

姚氏秦

子圻

圻

字殿邦

姚氏汪

庶姚沈

子三鑑

出嗣鉅

鉅

鑑

字在美

未娶

鉅

字大成

未娶

峻

字聲谷

姚字沈

子二世培

世基

世培

字振蒼

姚氏張

庶姚王

鋈

字勝蒼

姚氏高

子二不詳



順

字應候

世基

字又青

妣氏丁

子三鎬

鎬

鎬

鎬

字興周

妣氏蔡

鎬

字尙綱

妣氏楊

子一愈

鎬

字惠中



元益 文岳
四子

字慧堅

童貞未娶

元望 文岳
五子

元散 文岳
幼子

字叔萃

明季處士

園

字金谷

妣氏張

壤

聘程氏

未婚守節

祉

字功耀

妣氏張
徐

永甯

字靜遠

妣氏楊

書昇

字觀天

子大年

大年

未娶



姚氏夏

子三社

尙志 祚

子三永綬

無傳

永錫

無傳

永甯

子三書昇

元昇

鶴昇

嗣元昇長

子

元昇

字漢文

姚氏順

子三大年

出嗣

舜年

桐年

舜年

字允恭

姚氏汪

子二士照

士杰

桐年

字鳳子

姚氏阮

子二文祥

錦祥

鶴昇

松年



祚

和

福元

字鳴蒼

名醫官衛

分府

妣氏順

庶妣吳

子二松年

椿年

字蔭蒼

名醫繕修

宗譜

妣氏卜

孟

子慶保螟

椿年


字協蒼

讀書早世

聘夏氏

未婚守節





定國

文台子

燭

天寵

鉉

長生

字公輔

長庠生

姚氏余

金

子一炯

字德慧

長庠生

姚氏吳

子天寵

字豐佩

姚氏沈

子三鉉

銓

鏞

字善長

姚氏譚

蠡聖人

字亦陶

子四楷

蒼山

秋水

鼎臣

哲明
哲恭

字升暘

哲恭

字舜華



十六世

文治

錫子

字理華

妣氏吳

子二榮盛

榮茂

十七世

榮盛

字如松

榮茂

字如柏

妣氏龔

張

蔣

繼妣金

子椿頤

鏞



愈

錦子

壽林

字步韓

韓福潮

孝友見星

垣公家傳

姚氏徐

子壽林

士照

舜年
長子

士杰

舜年
次子

文祥

桐年
長子

錦祥

桐年
次子

少山

無傳



慶保

松年子

瑞麟

字敬蒼

字榮蒼

號硯香

號學之

妣氏葛

配謝氏

子善

小字興寶

楷

長生長子

德基

字端如

字蓉溪

妣氏陸

妣氏王

子二德基

繼妣馬

宗柏

子二西源

遭亂未回



瑞源
幼姪

宗柏

蒼山

子長生次

秋水

子長生三

鼎臣

子長生幼





劉氏支譜 卷二下

世次 金闔支

八世

筆山公爲金闔支祖詳前

九世

海臺公諱羽功筆山公長子太學生

妣氏湯計

合葬長洲縣九都三十四圖黎氏圩主穴稱柏樹坟在祖塋之



後墓已失傳而六代圖內遺象猶存子二文泰文岳女五

翼菴公諱羽德筆山公仲子太學生

妣氏歸 子一文台 女三

楚望公諱羽正筆山公三子邑庠生

妣氏金 子一文衡 女一

叔凱公諱羽書筆山公四子太學生

妣氏陳 子一文岐 女一

十世



魯瞻公諱文泰海臺公長子邑庠生生崇禎卒順治

妣陸氏太學時成公女

子一元麟

維申公諱文岳海臺公仲子長邑庠生家庭孝友析箸讓產工古
篆有先秦遺法入幕數年廉潔自持生萬曆卒康熙享年八十

徐晟志墓謚貞靜

妣氏袁化州同知諱坊女 繼妣氏周

葬長洲縣九都三十一圖率字圩里仁巷祖塋之次



子六元夔元臯元稷元益元望元散女六

四明公諱文台翼菴公子長邑庠生

妣氏徐太學生諱孝之女

子一定國

文衡公楚望公子長邑庠生字號皆失傳

妣氏王

子四皆無攷

十一世



子一公諱元夔維申公長子生萬曆四十一年卒康熙十七年享年六十有六

妣氏顧生萬曆四十三年卒康熙十六年享年六十有三

合葬塔紅堂祖塋

子二祖述祖武 女二

子邁公諱元臯維申公仲子生天啟卒順治

妣氏傅生天啟卒康熙戊子享年八十有三

合葬塔紅堂祖塋



子二祖期出嗣紫谷公祖頤女一

紫谷公諱元稷字稼菴維甲公三子以趨庭舊學爲濟世良醫嘗謂神仙之素必本忠孝乃卜築吳趨里迎養娛親竹木清輝法書名畫搜藏列祖掌故燦然大備見徐晟作貞靜公墓志魏禧書全冲堂卷後又攷名人辭典公字子毅善畫山水寫梅竹亦有意趣醫畫名家克敦孝友可以昭示來茲公生於天啓乙卯卒康熙五十五年丙申享壽九十一歲公之精誠感召豈偶然哉妣氏韓松府遊擊五岳公女



合葬柏樹坎祖塋

子嗣子邁公子祖期

叔萃公諱元散維申公六子明季處士生崇禎元年卒康熙四十

九年享壽八十三歲

妣氏夏太學生年世公女生崇禎二年卒康熙四十七年享年

八十歲

合葬橫塘五福橋新阡

子三祉 祚 尙志



公輔公諱定國四明公子長庠生

妣氏余 繼妣金

合葬塔紅堂祖塋

子一 烱 女一

十二世

君述公諱祖述子一公長子生崇禎十年卒康熙四十五年享年

七十歲

妣氏陸生順治十三年卒康熙五十年享年五十六歲



合葬塔紅堂祖塋

子一遠 女三

慎旃公諱祖頤子邁公子生順治十三年卒康熙四十六年

妣氏盧生順治十五年卒康熙六十一年

合葬塔紅堂祖塋

子一毅 女一

勉旃公諱祖期紫谷公嗣子子邁公之長子也儒醫名世敦請名

家八十老人張蟾字永輝繪前五代圖流傳至今孝思不匱生

順治四年卒康熙四十八年

妣氏吳 繼妣氏李

子四熊 峻 順園皆李出

功耀公諱社叔萃公長子

妣氏張 繼妣氏徐

葬五福橋祖塋

子三永綏 永錫 永寧 女一

漢祥公諱祚叔萃公仲子生順治卒康熙



妣氏陸葬五福橋祖塋

子三和 祿 甯

士鴻公諱尙志字芝田叔萃公三子生康熙

妣氏吳 繼妣氏曹

子三 哲文 哲明 哲恭 女二

德慧公諱爛公輔公子邑庠生

妣氏吳

合葬塔紅堂祖塋



子一天寵

十三世

漢裔公諱毅慎旃公子生康熙二十四年卒乾隆四十一年

妣氏金生康熙二十八年卒乾隆二十九年

子一上達

應占公諱熊字謚菴別字逸亭勉旃公長子棄儒就賈纂修支譜

生康熙十六年卒乾隆十六年享年七十四歲

妣氏秦生康熙二十一年卒雍正十一年



合葬里仁巷祖塋

子一圻 女一

聲谷公諱峻字于天勉旃公次子生康熙二十九年


妣氏沈

葬里仁巷

子二世培 世基 女二

金谷公諱園字悅山生康熙三十五年卒乾隆三十二年享年七

十一歲



妣氏張生康熙三十三年卒雍正十一年

合葬吳江溪上村

子一壤 女一


靜遠公諱永甯功耀公三子生康熙四十五年卒乾隆三十七年

妣氏楊生康熙四十六年卒乾隆十八年

葬橫塘

子三書昇 元昇 鶴昇 女四

十四世



鶴九公諱上達漢裔公子堪輿爲業生康熙卒乾隆

妣氏馮 繼妣氏馬

合葬塔紅堂祖塋

子嗣圻之第三子鉞

殿邦公諱圻應占公子生康熙四十七年卒乾隆五十二年

妣氏汪生康熙四十八年卒乾隆七年

窆室沈

合葬長邑九都三十一圖祖塋



子三鑑 鉅 鉞出嗣鶴九公名下皆沈出

振蒼公諱世培字心栽聲谷公長子生康熙五十三年卒乾隆三

十一年


妣氏張生康熙五十六年卒乾隆六十年

窳室王

合葬長邑九都三十一圖祖塋

子一鋈王出 女二

又青公諱世基聲谷公仲子生康熙六十年卒乾隆四十年



妣氏丁生雍正四年

合葬長邑九都三十四圖祖塋

子三鎬 錦 銓 女二

漢文公諱元昇靜遠公次子生雍正十一年卒嘉慶

妣氏顧生乾隆八年卒嘉慶八年

合葬五福橋祖塋

子三大年出嗣長房觀天公 舜年 桐年

鳴蒼公諱鶴昇靜遠公三子乙未太學生候補衛分府醫術名于



時生乾隆十一年卒嘉慶元年

妣氏顧生乾隆十五年卒乾隆五十九年

窆室吳

合葬里仁巷祖塋

子二松年 椿年 女一

十五世

鳴臯公諱鉞字魁元鶴九公嗣子殿邦公之第三子也生乾隆二

十四年己卯



妣氏錢

子二無傳

勝蒼公諱叟振蒼公子生乾隆

妣氏高

子二不詳

興周公諱鎬又青公長子生乾隆

妣氏蔡生卒乾隆

子一文治 女一



尙綱公諱錦又青公仲子生乾隆十八年卒嘉慶七年

聘毛氏 娶楊氏享年八十四歲

子一愈 女一


允恭公諱舜年漢文公長子生乾隆三十年

妣氏汪生乾隆卒道光

子二士熙 士杰

鳳子公諱桐年漢文公仲子生乾隆三十五年

妣氏阮生乾隆三十五年



子二士熙 士熊

蔭蒼公諱松年字杏樵別字寸木鳴蒼公長子侑生業醫承世名
重一時繕修宗譜生乾隆三十四年

妣氏卜 繼妣氏孟

合葬塔紅堂祖塋

子慶保 螟

協宣公諱椿年鳴蒼公仲子憤志讀書早世未第生卒乾隆

聘夏氏未婚守節



亦陶公諱長生善長公子因母家譚氏遷居蠡墅錢家村竹絲牆

門堂懸筆山公萬曆第一科進士舊匾欽差巡按御史石櫬爲

劉宏道立公生於雍正配葬失記

子四

十六世

步韓公諱愈字福潮尙綱公子天生孝友至性過人安貧好義尊

祖敬宗星垣公爲作家傳記其德行生乾隆五十六年十二月

初四日卒咸豐十年七月十五日享年七十有一



妣氏徐花山人生嘉慶八年卒道光二十二年

子一壽林 女二長適潘世淮次適徐景華

敬蒼公諱慶保字硯香蔭蒼公螟子業醫生嘉慶八年卒咸豐三年

妣氏葛生嘉慶十一年卒咸豐十年

合葬葫蘆坎

子一瑞林

端如公諱楷亦陶公長子享年九十一歲



妣氏陸

子二德基 宗柏出嗣蒼山公

十七世

如柏公諱榮茂文治公仲子生嘉慶二十年卒光緒八年

妣氏龔卒年十九張卒年二十九蔣卒年三十九金

子一椿頤 女一適韓渭川

眉亭公諱壽林字鳳章一字心田小字五十郎步韓公子繼玉業

知詩文孝友有父風晚年始徙海門生道光十九年四月初五



辰時卒光緒十九年在年五十四歲卒於九月二十一日

妣氏施

繼妣氏宋海門人生咸豐十一年正月十六日辰時

塋在海門江家鎮北首大河傍

卒民國廿七年國曆二月七日卯時
古正月初

繼氏宋生子二念祖

念修


女一適海門十二堰鎮王惠生

榮蒼公諱瑞麟號學之敬蒼公子上居海業醫生道光十九年八

月初五日

妣氏謝道光二十三年九月十七日生

子一善 女二



蓉溪公諱德基端如公子生嘉慶十三年卒光緒六年享年七十

二歲

妣氏王遭亂殉烈 繼妣氏馬

子二酉源公遭亂未回 瑞源幼殤








劉氏支譜 卷七

族伯步韓公傳略

鳳嶺山人辰



公諱愈字福潮號步韓吳縣黃鸞坊人明永樂中有太醫康民
公以詩名於時自婁東徙郡南濠之康里橋遂世居焉再傳而
太守公景巖以循吏著聲於閩代有文章節氣兼以醫學顯又
五傳而廉使筆山公以名進士歷宦閩魯楚滇所至多惠政以
廉謹德業重於時沒祀鄉賢遂爲吳中望族辰昔侍先君子每
論族中臧否獨嘖嘖稱公不置嘗謂公敦篤孝友宅心豈弟每



有善舉輒義形於色視力所能爲者必爲之父尙綱性嚴毅持
家有法公八歲從羣兒嬉偶涉博父偵得之恚甚適案有裁紙
刀持擊公腕血縷如大聲曰兒誌之公由是終身不敢窺博十
三歲而孤後每拊創痕輒大慟曰臯魚有言樹欲靜而風不定
子欲養而親不逮人每視親之喜笑爲恆情厭親之督責爲苛
察然雷霆雨露皆天恩也喜笑督責皆親慈也愈不幸不獲具
慶常依今音容渺渺欲求督責何可得乎母楊氏夙有癩疾性
煩急而多絮聒公承順色笑無敢少忤奉養周至雖溺器必親



滌焉時或詬聲達於外公長跼膝前務令其歡二十餘年如一
日卽外人若不知母之有疾也家貧以攻玉爲業頗刻苦日夕
兼作冀多得以供母或有尼之者公曰我正患不勞耳不見朱
門生餓孳乎我業是有素矣母也安之庶可少伸竭力之義耳
郡之西有山曰寶華爲葬八世祖廉使公墓亦在焉先是惑於
形家之謬謂此地爲蛇食蚘形主不利於墓祭者族人惑而懼
焉適於是歲有祭墓而暴亡者羣口哄然遂以爲懺於是皆裹
足不至垂數十年公長訊得之喟然曰飲水者必思其源世豈

有爲子孫而可忘祖墓乎我且死必尋之然老成代謝已無可
問矣而族人猶畏懼不敢偕公乃虔禱於神冀於必得遂肩荷
紙錢手挈酒肴孑然獨往越山嶺冒荆棘披蒙茸疾行而前若
有神助竟得之荒烟蔓草間嗣後歲必一至而公卒無恙道光
初孝惠公墓田因主祭者遠徙海沙被墓丁薛盜賣於楓溪陳
氏大宗兄廷標屢訟於邑宰而時陳饒於資屢不直先君子暨
公及兄奔走旁午力請於郡紳韓司寇桂舫石殿撰琢堂尤中
書春樊顧明經湘舟舊戚周茂才秀峯諸巨公乃得清理而公



力亦居多公閒步虎邱偶如廁見履足處有石刻三大字曰劉公墩大驚曰此長沙劉郡丞衣冠墓所也可任人污衊一至是乎卽走告其素所善者秀峯周君白於當道得毀其廁乃新其石而樹之卽今綠水橋畔巍然屹峙者也又一日過李公祠見祠宇荒涼丹堊駁落殿中爲賣錫及售瓜果者所踞庭中積穢便溺不堪其污公亟謀諸友請於邑侯乃悉驅諸人芟蕪蕪穢祠貌爲之一整由是聲譽藉藉見器士林其生平行事率都類是公年逾強仕猶未娶戚友屢言之公以母老多病恐不得於

母辭復以宗祧之重爲請乃訂婚於華山徐氏端重有大體亦

善事其姑生一子名壽林乳名五十郎字眉亭生女二與姑相

鳳章號

繼沒喪葬以禮時子女皆幼公獨任撫育爲之婚嫁先君子與


公爲昆仲行又同庚雖里居迢隔而聲氣交孚且居貧樂善見

義必行又相伯仲故知公最確是亦足見一斑矣噫公之安貧


守義也介若是凜父訓也謹若是事病母也孝若是且誠以奉

祖先敬以尊先賢斯人也當於古人中求之亦不多得茲公之

大節宗族老成里中遺舊多太息而樂道之洵可作家乘之光



爲後生之楷亦足多矣嗚呼士生於世烏得以成敗論乎咸豐
十年庚申粵賊竄擾四月省垣陷子被掠幸得脫而流離播越
不克還視時公年七十有一七月十五日以疾終於家時虎狼
遍處無能成禮姪如柏在側倉卒不及葬公祖塋將櫬權瘞於
郡之富郎中巷中瓦礫之區旋亦避難他適同治元年省垣克
復復子探知父喪踉蹌奔歸亟謀父櫬訊從父兄未返見廬舍焚如
巷鮮居人瓦礫皆如山積哭踊幾絕遍處尋訪竟無可問矣嗚
呼以公之孝友敦篤豈弟慈祥慎終追遠爲謀必忠宜有於躬



劉氏

支譜

卷七

藝文錄一

族人所作文

而天乃因之以數奇抑且奇之於身後豈所謂工於謀人而不能謀己也耶顏回短命善事何憑伯道無兒天心難問公既遊魂而無地子亦抱恨於終天悲夫悲夫

光緒六年歲在庚辰孟夏月




族兄德華公小傳

鳳嶺山人辰


壬午春族再姪乙青自海上來郡讀書三月初至鳳岡來謁予素重其時懷先德與之論家世事因述其大父德華公狀畧云大父一生勤慎慷慨雖無甚大堪表暴然知之稔而能傳之者其惟長者乎倘得請一言登諸家乘以示後人不亦可乎予謝不敏然偉其能繩祖武不匱之思有足嘉焉因以所知者傳其略曰世有儒冠而市心者亦有市人而士行者夫士豈必皆多讀書哉農而急公農卽士也工不作僞工亦士也商而誠信商卽士也我族兄德

華公者殆可謂商而士矣公諱韶熊德華其字也世居光福里之鳳岡爲始遷鄧尉孝惠徵君之八世孫爲人敦本睦族有大節質直好義少孤卽有心計念家道日蹙思刻苦自振而艱於力有戚在海上謀生憐其恂恂也挈之偕往卽以勤儉謹畏見器於居停遂娶於海上家焉由是益自奮勵維以誠信自矢然經營輒中駁駁乎稱小康焉喜賓客每有客至恆茗椀相對雞黍作供有所假雖貸之鄰朋必量而給之無吝容無德色於是一鄉有小孟嘗之稱性敏決果斷鄰里有忿爭欲訟者得一言而解不屑酬謝由是



聲譽鵠起人皆樂與爲交海沙固雀鼠械鬪之鄉俗尙醜張爲幻
或以拳勇橫行多以健訟爲能事以左袒爲智術公知交既廣卽
顯者亦樂與之游屢有浼公爲先容者公槩謝弗與由是士林益
器重之道光初支硯山孝惠公墓被墳丁串誣捏券售於楓溪陳
氏公亟謀諸族姓控於邑而陳饒於貲屢控不直賴郡紳韓石諸
鉅公白之當道始得清理平時維以謙抑下人卽有橫逆之來未
嘗有一字入公門也有胞叔旭周亦客海上物故爲之殯殮扶柩
葬之祖塋卽迎養其孀至家奉事終身焉胞兄廷標素豪邁不羈


年四十餘喪偶無聊且無出以長子爲之嗣迎至海上就養稱壘
箴之樂有姜家大被之風云其慷慨敦睦剛介好義皆從至性中
流出無所矯飾有如是者予不敏無能道其詳然所知者如是顧
卽以如是傳之至其持躬儉慎古道照人三代之直猶存足以矯
隳敝而啓迪後人自有不可泯者無俟予之贅也雖然公生長市
中未嘗多讀書也而所行如是非所謂市人而士行乎謂之士焉
又何愧乎此其所以可傳也




星垣公市隱翁傳自贊

市隱翁者不識其名氏幼習操觚家貧甫就童子試父命棄而就商遂服賈焉居恆怏怏然遇非分之得屢讓弗較有富家子挾貲寄運而作倨態者固却之人或笑之翁曰吾聞之與人者嘗驕人然自好者且弗屑也彼意在子母耳何德色爲由是與衆不合卒以自困中年以家政委之弟徜徉山水間袖中詩稿襟上酒痕忽忽焉幾忘歲月之逝也後值風鶴日益落拓惟狂歌酣飲白粥黃齏怡然自適時或從野老山叟較晴雨話桑麻未嘗有一日之戚

戚也有巨賈欲偕之滬命司貝筴謝而却之家人多咎焉翁笑曰
我守茲傲骨垂三十年今老矣世無臯伯通何能寄齷齪守錢虜
廡下低聲下氣仰其鼻息而爲彼鷹犬哉由是以市隱爲號晚年
恆獨處空齋不廢觴咏或杜門謝客焚香默坐誦佛號百數聲然
不却酒肉亦不交僧道嘗謂人云我非佞佛而求福田利益顧富
貴浮雲死生電露况人弋名獵利一生從睡夢中覓睡夢來不知
所自去安識所歸我其識其歸耶噫豈翁夙生往劫於優曇會上
有一線般若因緣乎抑妄語斯人也贊曰有老翁處市中書不讀



其人庸取不苟其人窮醉明月嘯長風頎然七尺與世何功不儒
不賈非色非空斯人也迨別有懷抱將負此志也以終




劉明
氏說
支說
譜

卷七

藝文錄

長一尺五寸



曾王母趙太淑人傳畧

燮鈞

太淑人姓趙氏系出新盛地據湖山之勝爲邑名區而趙又新盛右族太淑人賦性溫恭濟以儉約辛勤毋倦曾王父冠青公家故清貧棄儒就賈經營四方不違家食而甘旨奉養得以無虧者皆太淑人之力也至奉饗祀以誠待戚黨以謙訓子女以嚴家門內外穆穆雍雍皆足徵太淑人之盛德太淑人誕生於乾隆庚寅少曾王父兩歲迨嘉慶戊辰曾王父捐館年才三十有九斃斃子立哀毀逾恆紡績自贍撫孤成立我祖琴軒公懋遷來海創業成家

鄧尉一脈得以稍振者皆承太淑人義方之教有以致此也祖姑名都者適同邑呂氏早寡依母族汀泉公家守苦節至八十五歲學憲旌題淑德遐齡四字當燮鈞啟徵兄弟應試郡城讀書鄧尉得時見祖姑每述太淑人之教訓冰操不禁泫然淚下故能縷悉其詳而拙筆難杼謹略陳梗概如此


民國十三年甲子秋仲



祖姑八十五貞壽事略

燮鈞

祖姑名都會祖父中議公會祖母趙太淑人之幼女也我族世居
鄧尉光福里鄧尉鄰山曰香山香山之西麓曰山西灣祖姑適西
灣呂鳴皋農家焉亦工家焉鳴皋無祿僅生一女嗣子亦早世嗣
孫就食於洞庭東山之渡水橋祖姑因是常依母家度日秉承母
教矢志堅貞我祖遷居海上族曾汀泉公視爲己女合族咸敬禮
之五十年如一日而我祖姑儉勤操作一介不取雖至鶉衣百結
淡泊自甘同治十一年余偕三弟啟明扶伯祖廷標公柩歸葬於



潭東後同四弟啓徵應試郡城讀書鄧尉時得親承顏色祖姑樂道先輩事迹及太淑人之清操甚詳光緒十二年余兄弟謹以苦節請旌荷督學使者王先給淑德遐齡四字余走洞庭東山與呂族計議闢治一室卜吉懸匾時則劉呂兩族少長咸集觀感贊揚向之祖姑斃子無依者至此方有歸宿矣越三載而歿距生於嘉慶九年甲子十月初一日享壽八十有五嗚呼祖姑之病且歿也余適應試京兆病未及問殯未及省葬未及視何天假其年獨困其境若是之窮無告耶可不痛哉




先長兄乙青公行述

啓徵


嗚呼人孰無死而有可以不死者在則實至名歸自有不沒於口
碑輿論者如吾先長兄一生之行誼不敢不謹述焉兄諱燮鈞原
名啟祥字乙青爲先君竹屏公長子我劉氏世居吳郡南濠明季
孝惠徵君隱於鄧尉講陽明學門人爲建遵王書院卽今光福鎮
舊宅是也八傳至先王父琴軒公以習賈來海門遂定僑居起家
花糧業旣復中落先君繼營餅餌釀酒藥材花布各肆始困終裕
欲令兄就商業而兄矢志讀書困勉劬學卒有聲庠序遂厥初衷



徵之得以附驥尾者要皆兄之自立立人有以訓迪而獎進之也
弱冠後曾患血症歸里養疴適丁先母憂閉門課弟者數年旋即
設帳蘇垣獲交於故鄉賢士大夫中間假館鄧尉聖恩禪寺偕徵
與二三同志潛攻舉業受業葉鞠裳秦佩鶴兩太史所學大進既
復應京兆秋試師事許孝廉鶴巢先生許門下多知名士於是與
兄爲文字切磋之交者益廣而心得亦益邃是歲己丑徵倖魁南
榜而兄奔馳南北十戰秋闈屢薦不售文章憎命代爲撫膺庚寅
九月先君棄養兄遂家居讀禮絕意功名研究實業經世之學光



緒二十一年援例獎訓導分發到省歷署丹陽鎮洋金山訓導松
江府教授太倉州學正等篆所至有聲而尤以倡修丹陽文廟追
補增廣生額解免鎮洋學潮數事最膾炙人口先是光緒十二年
先君允南溥劉貫經封翁之請主辦下沙災賑親查戶散賑兄亦
隨行嗣奉先君遺訓遇荒不救卽非我子以故十八念三念八等
年中下沙被水成災兄承先志率弟輩倡捐募款請命於長吏暨
邑紳張沈諸巨公辦理平糶撫卹精密中程法又以糶餘開崇境
昌泰橫河以表卹鄰之意且謂荒政僅濟臨時治本之策在先彌




水患非多開河道不爲功乃請借穀息興開中下沙十餘河農田
利賴民免其魚又謂穀息備荒有借須還故經收中沙河捐一萬
一千二百零元如數繳還縣署以示始終其事表裏清白之風他
如社倉學校醫藥橋梁諸善舉無不盡力施行惟兄長於應世絀
於理財而能遊宦遠方熱心公益無內顧匱乏之虞者實賴叔兄
亮卿統攬家政商務以盾其後耳既念我海營業以花布爲大宗
剏設申沙公所聯絡內外兼董布公所事興利除弊歷折不撓羣
情翕服適部令設立商會兄被舉爲海門商會會長艱難締造綱



舉目張辛亥國變官紳規避走匿亂萌四伏兄獨奮袂而起創辦
商團擔任各費與黃沈諸君倉卒畫策地方幸獲安全民國元年
以通崇海泰九商會公推入都列席工商大會所上條陳多見採
用著京遊雜詠詩一册事竣南歸戢影師山自號師僑凡前後總
理海門商政十餘載至八年謝歸四區寓廬編家乘著年譜尤著
力於傳芳閣名賢真蹟錄一書所以述祖德示後昆殆不愧先正
典型也惟賦性太直嫉惡過嚴往往爲同事者所忌憚然其見義
之勇任事之堅百折不回一若甯武子之愚不可及者故人亦終

諒之甚且愛之重之謂劉君磊磊落落肝膽照人非近世所有也
今者九京不作會葬有期歿世無稱責在後世迹其平生行誼雖
未敢謂有純無疵而不畏強禦不避險阻世之模稜兩可媿阿取
容者判霄壤矣爰述大凡俾資採擇倘荷當代名流邦人君子惠
賜誌傳感且不休



先叔兄亮卿公行狀


啟徵

吾家世居吳郡光福鎮自先大父以懋遷來海遂定居焉起家商業既復中落先府君竹屏公善繼前志重振門庭而能紹其世業者惟叔兄亮卿今又不幸隨伯仲兄而長辭矣徵以一子然後死之人念我叔兄之生平行誼頗有足錄者沒之不忍而過爲溢美之言以愧逝者則又不敢因掇舉其彰彰在人耳目者以爲茲狀兄諱啓明亮卿其字也幼讀書穎悟異常兒年十四以目疾視力微損遂棄而學賈從先府君後廣著藥材饒食穀帛布棉百貨等

業皆能听夕勤恪以無負厥職逾冠先君以營業擴充命兄外內兼綜之以觀其能凡所擘劃無不稱志蓋多才善賈先君已喜得有嗣音矣及先君棄養徵兄弟共炊者又二十年商事出入仍推兄一人主之伯兄乙青及徵得一意向學無內顧憂者實賴兄之統籌全局而從未以我獨賢勞爲意友于誼篤卽彼寢饋詩禮者視之往往有愧色也光緒壬辰中下沙被水成浸徵兄弟以守先君救災必亟之遺訓急起釀資分賑丁酉壬寅亦如之伯兄奔籲盡瘁於外而採購荒糧鈎稽帳籍得兄輔翼倡率之力爲獨多崇



明外沙風潮遣姪韞石携欵往賑尤得古人恤隣遺意迨光宣之間董理邑政則於諸公益事如施衣平糶及社倉學校道路橋梁修築建造凡屬分內所應爲兼力之所得爲者無不爲而於排難解紛矜孤卹寡益競競焉兄雖側身市廛而好善若性誠中形外尤樂濟人緩急遇有稱貸罔不立應矜驕之氣絕於辭色是殆貨殖而有儒行者歟兄體素健善耐繁劇惟近十年來痰喘時作精力稍退常駐滬號以圖息養兼便督察號中營業總理駐滬沙花公所事務海門輪船開駛於滬海間以兄年望推爲公司總理通



如崇海四縣旅滬同鄉會成立復以海門會長見推則知兄急公好義之懷並能見信於隣縣之士商矣乙丑之歲以億中獲徵羨乃奮志興建崇祠數十楹義莊亦附設焉既落成方擬繕章存案以營築勞頓去春忽染外感引起舊疾自秋徂冬愈而復劇者屢延至今年正月晦日遂以不起行年六十有九嗟乎今天下競言商矣權子母徵貴賤操奇計贏以馴致富厚者所在多有然或聚而不散或散而不當其甚者又或恣聲色趨傲晚極一時氣焰豪奢之盛身前赫赫歿則已耳此無他逐末而忘本徇利而失義也



如兄之敦友愛篤本根儉以持己豐以待人使得操守柄以牖民
而覺世則風俗澆漓豈難返爲淳樸哉爰述累徽俾羨採擷倘荷
當代名流邦人君子錫之銘誄事以文傳感且不朽



劉氏支譜

卷七



劉氏支譜 卷八

劉母杜太君貞壽篇

學草窗先生爲開封程用和賦節孝堂韻


母年十九失所天摧肝裂腸心煩冤小同遺腹甫七月忍死不得
隨九泉生兒秀眉呱呱哭阿父遺書兒能讀良醫三折鳳毛新著
手成春祖芬續佐餒承歡色養間母年九十誦南山移山不改愚
公志丹詔旌門慰苦艱子孝孫賢福九五天子康疆人共觀貞松
勁柏履冰霜史冊昭垂壽千古



門下晚學生王敬臣拜頌

書貞壽篇後

世之節婦多矣守節而年方十九壽母多矣享壽而大耋九旬矧翁善詒謀子克繩武孫登甲榜帝誥旌閭固當世所難能亦人情之大願焉按舊府志詳列劉炳妻杜節婦專傳備紀事蹟同治新志則刪入列女傳恐年久漸湮故家乘不可不詳以存不匱之思至其子入藝術傳孫入鄉賢傳曾孫孝惠徵君附列明史忠義傳府志孝義傳父子偕隱鄧尉世篤忠貞我宗發祥良由母德攷王



敬臣理學名儒東林前輩楊孝子大灤是其高弟大灤維斗父也


爨鈞謹識



劉氏支譜

卷八

謝文傑二
少人輩於戶部竹文



書全冲堂卷後

魏禧 叔子

壬子秋禧客吳門病飲世醫紫谷君之藥而愈紫谷姓劉氏名元
稷明季醇儒漸于先生之姪孫也吳中號爲博雅登其堂多法書
名畫因瞻其曾祖廉使筆山公像有古大臣威儀吾友徐晟云筆
山公以名進士給事中歷官藩臬清慎廉法所謂鄉先生沒而可
祭於社者也紫谷乃言有南渡始祖加封食邑詔勅及賜畫鷹卷
幘多名公跋贊又有漸于公坐立兩像皆朗倩筆又有諸名士壽
漸于公冊頁存鄧尉族人處期異日探梅往觀全冲堂筆山七世

祖康民公永樂中扈從北征精岐黃術與館閣諸公唱酬詩獨傳
學士臨江金文靖公幼孜顏其堂曰全冲爲之記廬陵曾公繁書
其記之末其他贈詩記序不勝數皆名公卿也而禧之鄉先進凡
十有一人焉劉歷世皆用醫學顯封大夫培橘公積德綦厚實啓
佑筆山全冲堂之名益大有聲於吳當筆山未第時文靖公記已
失去後宦遊滇南過江右得之文靖集中元稷去公又三世文靖
書康民公墓誌及徐武功伯有貞爲其九世祖季誠作卷跋皆失
元稷偶過裝潢家見墓誌壁間以宋板本草易歸而武功跋亦於



雜書古帖中買得之獨周處士東村爲其六世祖夢橋公寫全冲堂圖失之百年不復得東村唐解元寅師也元稹每以爲恨百方求索而近復於不意中得之於是全冲圖名蹟自宋迄明五百年所世傳歷變革而亡於兵火者至元稹大備嗚呼可謂盛矣哉禧於是歎元稹孝思之誠若有鬼神相之而劉氏先世之澤爲深且遠也徐晟又云元稹父維申先生恂恂退讓君子與家君少遊庠序交自髫髻至老如一日晟不妄以許人者也晟父武子先生蓋高士禧嘗於李灌溪侍御飲酒座上識之元稹旣出卷示禧請書

其後禧惟元稷淳篤好仁有君子之行又感晟言不敢辭遂敬書
數言以竊附於鄉先進之後云



明故嘉議大夫雲南按察使司按察使筆山劉公諱宏道行狀

雁門文震孟

不孝髫時侍先君子從容語次稱里中厚德長者必首劉筆山公
劉筆山公云比稍長益習知劉公爲令爲給事爲二司別歷中外
所在咸有可紀卓然爲當世名臣則更愈嘆公韜光沉彩不自暴
著醇懿惇樸長者而亡何公卒且葬矣諸公謀所以狀公者顧謂
不肖孟通家子知公最悉公所舉士閩莆林先生又爲不肖座師
竊附公稱門下士遂使屬草以乞銘於當代鉅公不能以不文辭

也因撫拾其大略而序次如左按劉氏之裔出自婁東至國朝有諱溥者以醫徵隸太醫豪於詩名在公卿間甚著所稱劉草窗者也始徙金閶城北爲長洲人溥生贈公資資生兵部郎傅傅生禮部儒士鵬遂爲吳中望族矣鵬生會生炳炳生培橘公承宗世世以醫顯至培橘公益振其業所行陰德活人無算則公考也後以公貴兩世皆贈中大夫秩三品配何淑人實生公公生而穎異善舉止其出入人固屬目之南村伍公指而謂培橘公曰劉氏世多隱德當有昌者其在此乎因以女妻焉稍長爲諸生工屬文下




帷讀書恆至丙夜不休所交皆一時譽髦而天臺耿公永年蔡公負人倫鑒尤品重公癸酉遂舉應天試其明年甲戌成進士先是公大父業儒不就以攻苦嬰疾早世配杜淑人年僅十九懷培橘公七月而寡至是老矣而健匕箸封公年未艾也公謁選得閩之惠安令便道歸省里中嘖嘖咸嘆劉氏有子因以識天道福善之不爽焉公在惠安蒞五載是時新政方尙操切公潔廉自矢而行之以忠厚絕不爲毛舉鉤摘之術始至造請士大夫延見長老問民所疾苦及所宜興革者而次第行之至誠推腹民不忍欺征歛

不苛課嘗爲一路最算田伏田盡出禱雨兩立澍其土至今歌焉
庚辰以高第徵拜給事中工科首條上東南水利與織造之累得
請減柚杼之半專遣御史一人巡行水道桑梓賴之公益侃侃發
論言事無所避無何竟以直忤出僉山東事隨徙蘄黃甫期以外
艱歸已復僉山東事方蒞任調爲江西參議居二載又遭內艱起
參福建未久旋入楚爲督郵使者五年移浙之參政又三年按察
雲南而公高臥不起矣公之爲政大都以仁心辦實事不務皦皦
表暴以爲名高所至勤於其職事無弗舉其再蒞山東值歲大侵



道瑾相望議蠲議賑所全活以萬萬計地多盜以方略擒獲治罪
境內晏然在楚專理驛傳嚴給發覈破冒審規制裁冗費歲可省
千餘金悉以備賑而時楚藩多事司寇大臣及錦衣帥緹騎充斥
道路供給浩繁公精心處置民不勞而事集嘗一攝臬篆緹貪鋤
強人民凜肅平反冤獄所釋重辟二十餘人楚父老子弟迄今頌
劉使君神明有餘思也而在浙則主轉餉之役先是轉餉大臣不
屑親細務持文法大體而已鷓弁胥吏因緣爲奸弊可莫勝詰公
勵以精敏閱視必親有敢乾沒及逗留者一繩以三尺無少貸蓋



竟公之任浙轉糟常爲天下先而公蒞楚蒞浙奏績亦常爲天下最朝望頤頤以爲當置公卿寺間顧當路有修郗者下其手竟遷公萬里得滇南缺矣公一履其地隨以入賀行遂投檄乞歸臺使者賢公而惜其去寢其奏久之知公志益堅迺上疏悉公治行而具言所以欲歸狀因得旨致仕公既致仕歸則杜門却軌葺當年讀書處建閣一楹樹竹百竿徜徉其間翛然若未有官位者性恬靜雅不喜高會佳辰令節召一二故人清談嘯咏以其餘晷手集黃老諸書纂誌成帙焚香燕坐不閱除目不通朝貴書不談榮利



郡邑諸寮及監司部使至莫識其面有司屢請爲鄉飲賓不數數
赴也公爲人仁厚自其天性素具作事尤多隱德事親孝撫弟妹
極其友愛杜淑人以老壽終苦節幾泯公請旌於朝蒸嘗必泣然
流涕其由外艱歸遺田數頃悉推予弟治父喪獨身襄事比何淑
人卒益闢治先隴凡姻黨之死而莫爲槥者貧不能葬者不能婚
嫁者皆賴公爲外府公雖久宦於外終不持一錢歸其自惠安入
覲至不能辦道途費居藩司財貨出納無留私無餘羨身處脂膏
而家徒壁立歲時餽問不遺親故至質子錢以行其意弗恤也故

自公歿而姻黨哭於室朋友哭於堂士大夫咨嗟痛惜下及販夫市賈皆相顧而嘆曰誰爲贖此盛德長厚劉公也則曰誰爲贖劉公衣食我也則曰誰復藹然我如劉公飲人和也蓋通國無間言云公爲人兢兢退讓唯謹口不一臧否人物生平與人交無忤容遇里人子雖童穉必恂恂與均禮然中實耿介遇所不可必違其意當爲令時同安侍郎某橫行閭里多強暴不法狀有旨勘問事下惠安公盡法嚴詰雖失直指心至弗列薦剡弗顧邑丞某懇直不善事上官上官誣以贓置獄然其人實廉公力伸其枉與司府



觸者數矣於時講學之禁甚厲公葺儒學修經史閣建書院進諸
生談說經義所以風勵者百端士用彬彬興起邑遂有發解者爲
給事論劾權相私人尙書劉某將以次盡剪權相羽翼竟以此得
外補楚中同官李某素有才品而與中丞不相能中丞屬公陰伺
其短公反條其治行以對中丞乃大恚滇南之遷中丞方在要津
實齟齬之而公不悔亦卒不自明也始終稱仁厚長者以此蓋公
在銅墨以循良顯在瑣垣以正色斥在藩臬以勤勞著在桑梓以
和風素節爲里中模楷殆所謂鄉先生歿可祭於社者而公自贊

亦云鶴骨不凡松姿獨挺秉心守樸敦行尙綱克砥生平無慚衾
影眞可謂實錄矣公生於嘉靖己亥十一月十八日卒於萬曆癸
丑四月初三日適有翔鶴之異公又嘗夢帝召爲紫府掌記故思
公者皆以爲仙去不死云元配淑人伍氏子四人長羽功娶湯繼
娶計次羽德娶歸俱太學生次羽正邑庠生先卒娶金俱伍淑人
出次羽書太學生娶陳庶周氏出女邑一南京兵部尙書少保楊
莊簡公子大洽庶張氏出孫男四人羽功出者二文泰邑庠生娶
學憲陸公諱檄子太學時成公文岳邑庠生娶憲使袁公諱年



子化州同知諱坊女羽德出者一文台邑庠生娶尙寶徐公諱履

祥孫太學諱淳孝女羽正出者一文衡邑庠生娶憲使王公諱天

爵子太學諱世華女孫女十人一適憲副袁公諱祖庚曾孫名士

驥一字通政顧公諱九思曾孫名爽一字少府王公諱廷貴子名

一經一字憲副張公諱文奇孫名啟鉉一未字皆羽公出一適憲

使張公諱鼎思孫庠生名應宸一適大學俞君名大歷子名廷禧

一字太學徐君名汝翼子名紹祖羽正出一未字羽書出曾孫男

四一聘太學徐君名本仁女餘俱幼未聘文衡出一文岳出未聘

曾孫女四一字川守王公名錫命孫名鞏禧文泰出一未字文岳
出墓在寶華山祖塋之次葬以卒之年十月六一日惟是隧中之
石缺焉未補乞 採擇而賜之銘以不朽死者於幽而勸生者於
明則豈惟劉氏諸孤之願凡知公者與有幸焉謹具狀以請




筆山公傳

李模

劉宏道字志甫號筆山吳郡人也其先隸籍嘉定自永樂間七世祖溥始徙郡城家於金閭城濠之北爲太醫能活人而詩名尤著有草窗集至今傳誦溥生資資生傅爲兵部郎傅生鵬爲禮部儒士以仁厚稱鵬生檜檜生炳炳生承宗字培橘少從祖授醫能治人不治之症活人無算徙於濠之南而生宏道時嘉靖十八年十一月也幼聰慧少有文譽經史披覽無遺弱冠時爲督學耿公郡侯蔡公所識拔癸酉發解甲戌捷禮闈爲神宗第一科進士授福

建惠安令時三十五矣人以爲劉氏積德之報然宏道祖炳業儒
攻苦嬰疾早世又所謂專其業者不食報於其身卽食報于子孫
也宏道勵志下帷伊吾丙夜不休又所謂有志者事竟成也以祖
宗之德而益以己之勤宜宏道之掇巍科也然而宏道之可傳述
者豈在能取科名哉初令惠安前令尙操切而以慈易之民之疾
苦卹之俗之利興之弊革之不留羨不私入詔方田伏田盡出禱
兩立澍邑庠累科失利公捐俸建文筆峯書院督課諸生貧者給
之邑遂有發解者兩分校鄉闈所拔皆知名士其於俗吏何如也



在惠五載兩入覲無資備裝則其廉潔可知己庚辰以奏最選工科給事中時東南織造繁興水利湮廢爲疏請減杼軸之半特遣御史專巡水利吳地受庇實多然以立朝侃侃忤權要出兪山東復徙蘄黃以外艱歸起復兪山東值歲歉多方蠲賑地多盜籌畫勦治皆能人之所不能遷江西參議多政聲僅二載以內艱歸民攀留之不得也居喪爲兩先人營葬地絕意仕進而服闋起參福建未履任轉湖廣副使理驛傳禁冗裁冒歲省千餘金儲以備賑不爲己利楚藩事發司寇大臣錦衣及中貴臨勘供億騷然而悉

心調劑民賴以不擾署臬篆平反冤獄釋重囚二十餘人荆楚間至今頌神明焉五年遷浙江參政主運餉釐剔運弊完漕常爲天下先間司出納而毫髮不少染指可爲肥橐者愧矣尋以三品最滿晉中大夫主爵者將寘公卿間會當路有修郤者蓋由令惠時有丞觸上官誣贓而反脫之豪宦居鄉恣橫有旨勘問執法不阿給事時楚省李某素賢巡撫屬拾其短反力爲申辨以故陰抑沮者多遂出爲滇南觀察使而宏道不以陰沮故而改節也旣入境遂投檄乞歸臺使者賢之不聽而去志益堅乃得以致仕歸旣歸

於幼時讀書處構堂治閣種竹木中有清舉樓日與二三故知觴
詠不通朝貴當事者雖造門罕得一見其高介然也父所有產悉
子弟併過其戚屬之貧困而不能喪葬者至其口不臧否人物雖
田夫童孺亦以禮接蓋終身如一日不以窮達而有異嘗自贊曰
鶴骨不凡松姿獨挺秉心守樸敦行尙綱克砥生平無慚衺影洵
實錄也年七十五而歿歿之日有翔鶴繞庭鄉人常羨之嗚呼人
無智愚賢不肖當其少時爭以帖括博科第莫不以君子自期思
以顯其親而忠於君一旦身登仕籍居民上操事權則見利而逐

見害而避腴削于下獻賂于上求奏遷秩而頓忘平日所謂忠敗名失節貽羞於親而頓忘平日之所謂顯入於小人之歸而行不足道者比比皆是若宏道可爲釋褐者法而爲言利者愧矣然宏道既以其身光前之緒而其德又足以垂裕後昆劉氏之後應更有如宏道者追蹤前烈大振宗緒無疑也是爲傳



明故嘉議大夫雲南按察使司按察使筆山劉公諱宏道墓誌銘

吳默


今上壬辰余獲占籍禮闈荆巖楊先生爲房座師一日語余曰
子吳人也當習知吾師劉筆山公余唯唯蓋公嚮宰惠安分校鄉
闈荆巖師實公首錄則余竊附公爲門下士余生也晚然公之視
身出處大節表表當世余仰止有日矣今公歿既葬其孤羽功等
持文孝廉狀來徵銘余卽不文屬世好不能辭謹按狀公諱宏道
字志甫別號筆山其先世居嘉定之婁東永樂間有諱溥者隸籍

太醫詩名藉甚公卿間始徙郡城金閭濠北里遂爲長洲人溥生
資資生傳爲兵部郎傅生鵬爲禮部儒士族始大鵬生會會生炳
炳生承宗號培橘是爲公父培橘公醫冠於吳活人無算樹德務
滋兩世皆以公貴贈中大夫秩三品妣何淑人實生公公生而奇
穎南村伍公謂劉氏世德積久當有昌者遂以女妻焉公少有文
譽弱冠爲諸生交必賢師友勵志下帷伊吾聲丙夜不休督學耿
公郡侯蔡公負人倫鑒校藝必首推公大見器重癸酉舉京兆甲
戌成進士授惠安令先是公大父業儒攻苦嬰疾早世配杜淑人




年十九懷封公七月而寡至是老尚健而封公且未艾公顯而劉
祚復昌豈非積德之報耶公蒞惠矢心廉潔前令頗尙操切公獨
秉忠厚下車造請士大夫延見長老問民疾苦興革利弊殆盡不
留羨不私入贖緩時有詔方田公至誠待下民不忍欺於是伏田
盡出歲旱公步禱雨立澍士民剏亭勒石頌德迄今不衰邑庠累
科失利公捐俸剏文筆峯書院督課諸生貧者給之膏火士彬彬
有文邑遂有發解者兩分校閩闈所取皆知名士公在惠五載兩
入覲無能備裝則其操可知矣庚辰以奏最選工科給事中時東

南織造繁興水利湮廢公疏請上爲減杼軸之半特遣御史一人
專巡水利桑梓受庇實多公侃侃不阿以言事忤權要出兪山東
無何徙斬黃及期而外艱歸矣起復兪山東值歲大侵道殣相望
公議蠲議賑所全活以萬萬計地多盜悉策畫勦治四境晏然久
之遷江西參議居二載以內艱扶櫬歸哀毀骨立竭力爲兩尊人
營葬地既襄事起參福建未履任旋轉楚之郵傳使唯是郵符襍
還弊滋冒濫公爲嚴給發覈破冒歲約省千餘金儲以備賑會楚
藩事發詔道司寇大臣帥錦衣及中貴臨勘驗時煩費幾莫能支



公悉心議處緩急有濟而民不擾嘗署臬篆所平反冤獄釋重辟
二十餘人楚人至今頌神明焉五年復選浙江參政主運餉時餉
臣略細務不察鵬弁胥吏得因緣爲奸弊公蒞以精敏閱視必親
奸發則三尺從之運務肅然故竟公之任浙轉漕常爲天下先間
筦司出納雖身處脂膏而絲毫不少染指可爲慕羶者愧矣尋以
三品最滿晉中大夫予三代誥朝望嶺然主爵者將寘公卿寺間
顧當路有修邳者竟投公萬里得滇南觀察使矣公一入其境隨
以入賀行遂投檄乞歸臺使者賢公不聽其去久之知公志益堅



乃具疏叙公治行而爲言所以欲歸狀得旨致仕既致歸則杜門却軌於當年讀書處構一堂種竹百竿襟時花木日徜徉其間性恬靜不喜高會花前月下對二三故知笑談觴詠則欣然甚適暇則繙閱黃老諸書手自纂註成帙蕭然物外其於榮利泊如也絕不閱除目不通朝貴書不干請郡邑守相卽有屢請鄉飲賓亦不數數赴至臺使後先交章薦公起而公漠若不聞也者公事親孝撫弟妹極其友愛杜淑人以苦節終公請旌於朝蒸嘗必涕泣封公遺田數頃悉推予弟其存卹親舊則衣食周之嫁娶死喪助之



官久終不持一錢歸家徒壁立然好施予以行其志甯質子錢弗恤也故公歿而奔哭者踵接於堂曰天乎天乎奈何奪我劉公今而後安得長厚如劉公者能寬而愛人能緩急人耶公爲人醇謹口不一臧否人物生平與人交無忤容雖遇田夫童孺亦必與均禮恂恂謙下若未有官位者然中實耿介遇所不可未嘗曲徇其令惠時邑丞某慙觸上官誣以賊置獄公挺身力白其枉而脫之死同安侍郎某居鄉恣橫不法被旨勘問公盡法嚴詰至失直指心不登薦剡其爲給事論劾權相私人尙書劉某且將請劍上方

竟以此得外徙居楚有同官李某才品素著與中丞某不相能中丞屬公拾其短公反具治行以對中丞由此銜公滇南之遷中丞方在要津實陰中之而公卒不自明也世所稱忠厚正直君子非公其誰公自贊有云秉心守樸敦行尙綱克砥生平無慚衾影詎非實錄歟公生於嘉靖己亥十一月十八日卒於萬曆癸丑四月初三日享年七十有五歿之數日前夢帝召爲紫府掌記芝幡羽蓋來迎及卒適有翔鶴繞庭人皆以爲仙去不死云元配伍氏封淑人子男四人長羽功娶湯繼娶計次羽德娶歸俱太學生次羽



正先卒娶金俱伍淑人出次羽書娶陳庶周氏出女一適楊莊簡
公子大洽庶張氏出孫男四人羽功出者二文泰邑庠生娶陸文
岳邑庠生娶袁羽德出者一文台邑庠生娶徐羽正出者一文

邑庠生娶王孫女十人曾孫男四人曾孫女二人以卒之年十一
月六日葬於寶華山封公墓次遺命也嗚呼公歷仕或以循良顯
或以抗直斥或以幹濟勤勞著其勇退也乞身強健養重邱園公
於出處豈不皎皎爭光日月哉至其仁心質行所以篤恩於家與
爲德於鄉者直當於古人中求之是宜銘銘曰



隱德弗彰五世而昌自公達於鄉惟潔惟廉無絀無競自公賢於
令直言矯矯不阿不撓自公立於朝刑讞於楚餉肅於越自公秉
藩臬完醇返樸投閒辭祿自公能止足飲和樹仁緩急賑貧何擇
於疎親生孝於親歿傍於塋勒諸貞珉難泯乎千秋之令名




維申公墓誌銘

徐晟

劉君文岳字維申上世累有德行以醫術名祖廉使名宏道由萬曆甲戌進士擢給事中曆官藩臬清慎廉法爲朝野欽重宏道長嗣爲文學羽功君其仲子也弱冠遊於庠其爲文沉鍊精敏下幃敦勤不懈北面爲人師無子弟過退而與賢豪長者游澹若無情者與之接盃酒益醉益恂恂平居不言名利名利亦弗及處家庭間克孝克友承歡父母側愉愉如也清白吏子孫未嘗以田宅自私父死析箸伯兄稍多自子君終身退讓歿齒不明一言有懿戚

令伏羲君偕與之行入幕數年曾不以脂膏自潤展古聖賢名蹟竊沾沾自喜歸橐蕭然甚至不能娛老弗恨也好製古篆有先秦遺灑爲人內外完潔色清而氣和不肯攻發人短人或有一善可稱不與世爲抹撥配袁勸學型家之道有默助焉子男多季元稷亦用醫術名少嘗學道蕭寺有心得忽一日中夜起曰神僊之學原本忠孝吾父老倦於勤可不迎養乎乃卜葬吳趨里竹木清暉撫琴書以樂其志數餘年而卒卒之日爲康熙辛亥九月詎萬曆壬辰十一月得年八十矣元夔等援古禮士踰月而葬遂於是冬



奉君柩於祖塋之次偕葬袁碩人之左原曰武邱圩曰里仁高四尺者其君墳耶君元配曰袁繼配曰周系皆名族長子曰元夔里中稱長者與余爲舊識娶顧次元臯先君卒娶傅勗子于學以苦節誓志次元稷用醫學大振其烈祖家聲者也又次元益元望未娶又次萃娶夏皆袁出女六人袁出者三周出者三子壻皆有文行孫八人人稱父之友爲執友夔稷拜稽首以泣銘於余余忝爲執友不敢以不文辭遂銘銘曰

維內不訾維外不私垣垣迤迤以昌其詩書其生也器莫能名其

死也德久而見思嗚呼往古遺民劉君繼之以古憤

君既歿吾黨痛且惜思謚君而不得既而謀之於灌溪李公輩公曰是宜貞靜蓋君爲人恬澹甯謚而內志卓然不與世爲好尙是其實錄也故今私謚爲貞靜先生云




文輝公行述

徐竹友

公諱錦字文輝漸于六世孫父定九自幼以祖德訓之爲言漸于有五弟雖析箸弟姪姊甥同在食指計中問何故曰以孝衡山公也又問以此爲孝之義曰惟孝友于兄弟言有本斯有推也及昏閱賀詩有細下工夫譜二南之句公鼓掌曰如鼓瑟琴工夫悉從如鼓二字摹出此句注脚全爲吾友于分中警一血鞭也配方氏元功公女一統志所載畢烈婦迺其胞兄妻也其家教故非尋常可媿氏又賦性清淑年三十六忽斷絃公喟然曰業有一子二女

其勿續便廣胤嗣期於兩弟矣主中饋代以冢婦矣其謀於孝道有若是其周者家自漸于公以採薇採芝垂範不家食之吉謝爲非所占者舊矣公尤不欲弟輩離二人左右遂懋遷化居于光福里中公主舉措次第惠孚知數次第振宣任內外雜務擇襄輔者不惟其材幹而惟孝弟及子汝齡釐務寄存托運者日廣次房姪汝永汝泰用事由是三世同爨殷實之聲大彰公誠子曰致飾然後亨則盡矣惠孚誠子曰不節若則嗟若故終公之世約處樂不改其常大慰厥考之心而繼孝惠家風




處士劉君振宣事狀

顧光熊

公諱鐘字振宣明儒孝惠徵君六世孫也父上垣字定九纘躬行
實踐之學就爲善毋近名之家範以啟後昆者公其季子焉性恬
澹而務勞力事兩兄如師長惟指使是聽主門庭整內外顧堂上
之甘旨誠幼稚之嬉遊然之數者或撓越代之便不合式素不耽
詩酒酬酢座客以雅道慙愚之答言實際不在乎此常擬籌貲創
宗祠置義田以爲敦睦之計會次兄生五姪長次頗陟紈袴氣習
姊丈徐囑析箸公若不喻良言者屢言之則以家運無躲閃對迨


債業狀露戚友剴切言之公轉作憤激語卒至前志未逮下輩各自謀生無業可以分析衆爲之扼腕公絕無懟色悔聲謂四男曰余本未嘗自剋家私也爾曹能掙家業者切勿懲羹吹齋畏同爨之誤身家也况人生世上不勞心則勞力現成豐足縱莫之或債豈宜常享乎孰思此理篤信此言則煩惱必少放逸必少從此進步人道當不遠耳蓋公發言居心摠歸實際故疏布怡然又二十二年而終




處士南祺劉公傳

徐棟


公姓劉名汝齡南祺其號也系出宋彭城侯爲始居鄧尉孝惠先生七世孫王父定九誠信篤實爲一鄉之望考文輝諱錦自幼以祖德誨之備書於策熟記成誦因顏其齋曰書紳誌不敢忘也南祺少有大節六歲失恃哀毀逾成人長而孺慕不衰每遇忌諱必涕泗滂漣尤恐傷父意則又隨爲歡笑以故太和元氣常融洽於堂上焉娶方氏庠生南葭公女家本嚴肅性更淑嫻公之內顧無憂者皆氏之力也同祖堂弟十餘輩皆未析箸或尙裘馬或肥私



藁獨公操持內外力供甘旨朝夕必諄諄教誘然終不忍傷手足之誼族有悍獨者必力爲周旋俾其得所柏舟之操遠道之還悉有賴焉父執及故人有稱貸者力爲措置之始終不懈身則疏布怡然不使凍餒而已余少公年十三而交最久嘉慶丙寅秋忽得痰疾自度不諱呼兒至榻前書以諭之曰吉人辭寡尙口致窮儉也者立身之大本也慎言者杜禍之要訣也樸訥者保家之良模也拙之一字終身寶之可無悔恕之一字畢世用之而有餘苟且而得泡影之富貴孰若安樂以全自然之貧賤故貧賤不諂剛之



道富貴不驕吉之象也能言不如緘默好勝不若吃虧以欲速心
行事未能有成者以僥倖心安爲鮮有不敗者此汝祖之所以諄
諄教我我之書紳而不敢忘者向平之願汝自爲之我不能復教
汝矣汝曹勉旃明年正月竟至不起年止四十有七嗚呼四十七
年之內坎坷遭迍備嘗酸苦而能孝弟充於內正直孚於外使蒼
蒼肯假以年富有達尊之二豈僅見稱於宗族鄉黨哉公歿之二
年冢子方來以狀請余迂谿陋士謬炙金蘭愧以謏陋無華未能
詳陳顛末平日親炙之餘所見所聞者如是卽以如是傳之以勗




劉氏支譜

卷八

藝文錄二
外人爲族人所作文

其子孫云



太世伯母陳太夫人八十壽

曹福元

詩三百篇多眉壽之詞闕宮九章七言壽歸美於壽母比德於岡陵不禁繹昌熾之義爲

劉太伯母陳太夫人頌禱申之太夫人系出潁川爲大綸公長女文學聘英明經紫香之祖姑焉太世伯琴軒封公懋遷來海得配參軍勤儉成家眉齊花甲長君竹屏世伯不承先烈益振前徽冢婦賢勞乳姑孝敬奉盤佐餽繞膝承歡此福履之繁綏也太夫人溫恭淑慎御下以寬見人口給訥訥然順受之人有小過則宥赦

之不追既往憫人晚况則憐卹之此大度之有容也太夫人性甘
淡泊不耻惡衣惡食而常解衣推食俾人各遂其生且不蓄婢僕
晚年伴御祇一老嫗不喜稱觴戒殺放生慶誕惟祀生我此儉德
之可風也文孫乙青與福元同試經古優等與元弼結文社訂金
石交今又下榻徐氏听夕過從切劘道義諳知其大母年高仲秋
初吉爲八十壽辰而屬在世交謹獻芻言以爲頌頌曰

懿歟賢母德性溫良鴻規大啟鳳卜其昌穆木衍螽斯之慶葛覃
開麟趾之祥酌以大斗躋彼公堂綿綿瓜瓞眉壽無疆



光緒九年癸未秋仲

劉氏支譜

卷八

藝文錄二 外人爲族人所作文

二十六



劉氏支譜

卷八


藝文錄二
外人爲族人所作文



徐樹丕書續名賢小記彙前

從子佩公臨本錄出其幀迺明揚公昇其女歸象雍袒

劉羽儀之學承吾宗樵讀樓之脈直接陽明嘗謂王敬臣從論語第二章入徐良仁從論語第一章入故自律如徐匡徒由王社錄則兼有所述楊廷樞目爲今之象山且未必稔其作困勉工夫處也羽儀敏於酬答口若懸河而事其父宏度一言一語常起彙演習如優人操踏顏色音韻務極其馴熟故恭而安見諸庭闈其溫而厲也嘉善處極鼓之舞之之妙矜不能處至爲之痛哭流涕亦常簡練揣摩一二高足窺及之微問其故曰德性非易尊良知非



易致聖人猶下學象山新建安知不先我能此道乎其葬也邇礪
上徐枋書明儒劉孝惠先生之墓於石於崑邑見朱致一特錄其


語於壁



誥授奉直大夫竹屏劉君行狀

黃逢甲

君姓劉氏諱文林字墨園號竹屏劉氏系出彭城侯銳至明景泰間有諱溥者精醫工詩著有草窗詩集行世始遷金閩濠北里代有聞人四傳至贈公炳勤學早世子承宗以名醫稱承宗生宏道宏度宏謨道以仕宦顯度生孝惠徵君羽儀熹宗朝爲周忠介公抗義坐除名懷宗初被徵不就築室光福山中優游講學天爵自尊君則孝惠之九世孫也君席先世懋遷業寄居海門幼卽見異懷負奇氣不與凡伍偶年十六遇盜江中同舟屏息伏匿君不爲




動折以辭盜既飽欲颺恐事敗露乃僞作巡哨而非荏苒者造券
要押君陰測其情佯不知而署之未幾盜爲貨主捕獲有司以盜
爲福山總戎弟讞不定得君一證而服膽識絕人長老咸心折焉
咸同間家業中落埽地赤立君慨然嘆曰讀書不能濟世并不能
救貧用此何爲遂究心研桑術投筆服賈操奇贏以博堂上歡其
經營一衷於信而徵貴徵賤億能屢中故三十年來遭家多難而
屢蹶復起未嘗困憊者務規大略故也君軀幹瓌偉音吐洪亮遇
不可不爲苟合面諛而排難解紛供人水火求嘯枯化瘠務一意



置人肝膈間先是李某以折閱自盡其家將盡室以償負君憐其孤寡首不取償同人咸慕君義悉焚其券李氏以全同里葛姓妻肆虐幼婢慘無人理衆欲首官罪之君出數十金收育之創平贖賞以歸其父里中擒偷兒芻薪山積舉火爇之君馳諭救免此風遂格乙酉秋天災荐至合境苦飢有司以鯁於催科告災不聽比至明年春青黃未接哀鴻遍野君首創義舉傾倉廩以給之淖糜粥以飼之由是里中同仁解囊伙助適吳興仁富某欲拯救之而難其人聞君名喜甚諉以巨款君乃親率幹練者廿人間關百餘



里間目揣耳誛無漏無濫露宿星征三閱月乃竣事費約功溥全活無算至今猶嘖嘖人口云君家居儉約飲食衣服不事華靡至遇親族貧乏周卹之不稍吝則其得於天厚也曾祖諱浩妣姚氏祖諱松妣趙氏父諱韶勳妣程氏本生父諱韶鏞妣陳氏庶弟二人君生於道光己巳年十二月二十七日卒光緒十六年九月二十九日配宋太安人先君卒子四人長燮鈞原名啟祥吳縣優附生次啟基三啟明以商繼四啟徵前年舉於鄉女一適陳孫男女十人墓在丁角沙先塋之北君埋照市廛不求表襮而仗義急公



無間遠邇浮薄末俗聞之色沮未邀當路之知足樹鄉閭之式矣
諸孤以狀爲請某忝附知己不敢以不文辭謹次其梗槩如左



劉氏支譜

卷八

藝文錄二


外人爲族人所作文




劉竹屏封翁家傳

葉昌熾

君諱文林字墨園號竹屏先世自宋南渡占籍吳下至明季孝惠先生諱羽儀字漸于與徐昭法楊維斗兩先生以文章道義相切
廓深衣幅巾隱居不仕八傳至君之考諱韶鏞寄居海門江家鎮
君自幼矜立名節猛志疾邪年十六江行遇盜同舟者首於官獲
而詰之則弁也其兄且專閫官愕眙不敢竟其獄君挺身出證之
卒按如律里有竊爲衆所獲執積薪將焚之先是民患胥篋之多
也得輒甘心焉所殲者非一矣君曰是不可長急偕二三父老往




諭止之俗遂革既長精積著之術家日益饒性慷慨好施與尤篤於本支之誼君故吾吳士族先世瑩兆在城西舊有圖自明以來名賢題詠林列庚申之難君之從祖步韓先生間關護持得無恙先生爲明廉使筆山公之裔廉使筮仕有循聲數傳至先生僅一子貧無以娶君慨然曰清賢如筆山孝友如步韓兩公而可不血食乎迎於海上爲之授室里民某負責不能償以身殉君首燔其券且卹其後嗣遇歲歉振貸之役靡不從所訂查戶平糶章程皆精密可法余舊未識君歲乙酉君之長君啟祥讀書光福山中從



余問故泊余官京師其季子啓徵公車在京亦來受業以故得諗君行誼甚詳竊謂君之彊毅有爲可以媿世之媵嬰者使得一官自效亦周昌汲長孺之流也乃未數月啓徵聞君訃遽歸越歲其昆季郵事狀至京請爲傳爰撫其實書之俾家乘有考焉君四子啓祥邑庠生次啓基次啓明其幼啓徵光緒己丑科舉人孫男五人

論曰吾吳桑海逸民若徐楊諸君子其後皆不顯惟漸于先生之裔越二百年世有賢者君雖僑居海澨而睠念先疇歲時嘗命諸



劉氏支譜

卷八

藝文錄二 外人爲族人所作文

子過吳省其先墓與郡之士大夫游詩曰維桑與梓必恭敬止燕
人過其里之社則喟然以歎蓋水源木本之思愈久而不能忘也
若君者可謂不忘其本矣善之所及豈徒海上一隅已哉



誥授奉直大夫墨園劉君墓碣


嘉定秦綬章

陸嫻任卹周官三物之書成名立方漢史獨行之傳士有性含質
直志蘊佻奇以砥礪爲廉隅視富貴若敝屣在易筮邱園之吉於
詩重典型之遺若劉君者殆其人歟君諱文林字墨園號竹屏江
蘇蘇州府吳縣人也其先以南渡僑寓爲東吳舊家代有聞人通
德之門益大世稱遺逸義熙之集自編明季有孝惠徵君諱羽儀
者隱居光福君其九世孫也考諱韶勳本生考琴軒公諱韶鏞生
子三君以冢子入繼大宗會遘寇亂郡城陷間關奉父來止海門

時則琴軒公方起家貨殖寄籍於茲君兼侍左右無間也旋丁嗣
考憂旅櫬扶歸先塋補葺烏思返哺已深銜土之悲禾喻歸根終
慰正邱之志可謂孝思不匱祖德能承矣既乃根棋先疇履席遺
蔭新豐再徙邨上一區功在趨時應羽鳩之得歲居雖遷地陋鴟
夷之變名然而徵貴徵賤者良賈之智也相恤相矜者古道之仁
也君義重嵩衡財輕篋籜以潤瘠嘘枯之意擴拯飢援溺之懷乙
酉秋運值木康災延海介冬饑荐告春種不遺於是馳乞糴之書
廩輸紅粟倡急施之議緡散麻青用使野息鴻嗷邑完鳩聚田名

續命社啟常平君之惠焉又况盅襟雲緯逸氣颿凌靈運游山副
乎屐齒司空築壙酬以酒歌羨遐舉於鴻冥寓達觀於鳧沒得天
豈非獨厚於世亦復何求然且律己用繩牖民若鐸贈言則惟藥
石佩贄則有韋弦萬石家風數馬之對必謹彥方鄉望盜牛之俗
耻聞宜其歸厚門標後隆山築何圖君子之疾遽賈少微之精沉
痼彌留溘焉委化以光緒十六年九月二十九日卒於家春秋五
十有八援例得布政司經歷加二級誥授奉直大夫配宋宜人先
君卒葬海門江家鎮丁角沙卽君所自營兆也子啟祥吳庠生啟

基啟明啟徵光緒己丑恩科舉人探贏金之諺惟重楹書具堂斧
之封兼徵碑誄筮吉十一月十二日將奉君匱合葬於主穴啟祥
嘗從余游郵書具狀以表墓之文爲請余惟故民吳公舊著標題
之例先生貞節古存私謚之稱爰述累徵俾資徵實感素車之會
葬導元石以刊辭嗚呼一束生芻千秋片碣鶴歸何處迴瞻鄧尉
之故墟螭負他年再峙瀧岡之崇表



劉竹屏封翁家傳

張謇

海門介蘇州太倉通州之間壤地初闢徙家而卜居者率三郡若所屬之人爲多及余所見三十年以來其賢豪長者頗有聞於當世劉君之寓校余家爲遠其先世吳縣人勝代革命之際世所謂劉徵君漸于先生與徐俟齋楊維斗諸老齊名隱鄧尉山中者君九世祖也父詔鏞始來海門以商賈起家既又中落君折節儉嗇仗信修義大孚于人於是家復振中歲務規時利盡人力督所任三數勤力之人廢箸穀麥布棉百貨造釀粉資餌依經方藏制百

藥斟酌贏縮貫輸挹注流通貨財於是僮客食指幾百人授約效功無有偷惰所居一市廛宇夾道相屬良藥善釀饅食之美尤稱劉氏云君豐軀偉幹倜儻尙氣節少時嘗遇盜江中盜盡掠同舟物且去僞爲官之巡哨也者出券要舟人押旣盜就擒有司以盜兄方總兵福山攝君爲證陰依違不敢竟治君抗詞請徵盜所脅券卒按如律生平不苟然諾交游遠近倚其一言爲重君亦能傾身緩急人里某以折閱負債自經死妻子貧弱而負於君尤巨君先衆焚棄其券又嘗贖富室殘柝瀕死之婢歸其父救偷兒於鄉



人將畀投火積薪之中鄉里忿爭得君數語輒解雖恣睢豪橫猝不可喻之人無不以君爲大人長者其言光明可信也然君亦因是無甚奇羨之財君名文林卒年五十有八子四啟祥縣學生啟基啟明能世父業啟徵光緒己丑舉人

張季子曰十二年春余方客京師候試禮部叔兄書來述歲仍災近君所方四五十里民飢不得食君發粟募金而有司弗卹振且輟弗繼兄走江甯得請於督部布政使發倉穀息幣以繼朋輩或訾焉獨君意氣相與其料戶施粟平糶精密中程法可敬也歸而

識君旣命其子啓徵相從問故又隲年而君卒惜矣今年春民又大飢而君長子啓祥大承先志相與策畫論議終任其事尤賢且勞然則君固不死士顧徒求貴富老壽爲哉



劉母宋太夫人傳

孔昭晉

年世伯母系出京兆處士邦懷公之中女雁行兄姊妹五人仲氏獨賢豈天之於劉有私多祉哉實儉勤盛德致之也太夫人節儉躬行常言寸縑萬縷一粟千辛喜笑揮金泣求難復故雖疏食練裳怡然自足其克儉如此太夫人勤於紡織子夜方休篝燈課讀機聲與書聲相應居平主持中饋食指漸繁不蓄臧獲通奉公營業大展始添庖廚一人然事益夥而心益煩其克勤如此大母陳亦性甘淡泊太夫人奉姑維謹甘旨無虧鄧尉族人避洪楊之難

來海招待如歸從祖母金伯父廷標公均年近八旬就養十餘年
如一日鄰婦虐婢無完膚通奉公贖而救之太夫人手滌瘡痍爲
之泣下醫治累月而歸諸母家其賢勞如此通奉公性好施與太
夫人同心共濟庚午六月十九夜夢以血衣一盆移往彼岸次日
有暴徒酗酒欲犯通奉公行近數步竄入對門及傷謝某論者謂
夢兆可驚積德之報太夫人年未及強生有不凡子四人而飲食
教誨母氏劬勞脾弱手龜積久成病光緒乙亥長子遊庠兼行冠
昏禮太夫人猶及見之丁丑六月二十日以疾棄養春秋四十有



六通奉公感夫人盛德終身不再娶是可悲矣太夫人先姑卒時
孫男女均無厥後門閭光大先以夫階贈宜人後以子階封太淑
人繼以孫階晉太夫人昭晉年家子與長君啓祥更名燮鈞會文
老友與季君啟徵已丑同年具狀請不獲辭而論其大端

論曰年世伯母勤儉振家以身作則仲叔二子能繼父業尙矣丁
丑春日季方十齡察前師怠誤命長君易書重課是夏六月母雖
見背而八載成名仕學經商各臻純粹義方之教等於嚴君豈不

懿歟



劉氏支譜

卷八

藝文錄二

外人爲族人所作文



新民社印刷所

電話南市二二一三

地址上海大馬路外灘新新街






劉氏支譜卷九

康民公草窗詩存居蘇一世



劉溥字原博長洲人祖彥敬父士賓皆以醫得官溥八歲賦溝水
詩時目爲聖童長侍祖父游兩京研究經史兼通天文曆數宣德
時以文學徵有言其善醫者授惠民局副使正統末京師牛產子
五足一生於項蹄上出溥占之曰此小人在上四裔侵陵象也尋
有土木之變用久次調太醫院吏目耻以醫自名日吟詠爲事其
詩初學西崑後更奇縱與湯胤勤蘇平蘇正沈愚王淮晏鐸鄒亮

蔣忠王貞慶號景泰十才子溥爲主盟脩勤尤自豪然遇溥輒服
平字秉衡弟正字秉貞海甯人兄弟並以布衣終愚字通理崑山
人業醫終其身淮字栢源慈谿人長身美髯嘗與脩勤遇於湖州
慈感寺徵青陵臺事各得其二淮掀髯曰君止是乎復舉其一歷
歷口誦無所遺脩勤大歎服鐸字振之富順人由庶吉士授御史
歷按兩畿山東所至有聲坐言事謫上高典史鄰境寇發官兵不
能討鐸捕滅之歸所掠於民亮字克明長洲人用況鍾薦擢吏部
司務遷御史忠字主忠儀真人徙居句容貞慶字善甫駙馬都尉



甯子也折節好士有詩名時稱金粟公主

明史文苑傳

劉溥字原博祖彥敬父士賓皆以醫得官溥八歲賦溝水詩時目爲聖童長侍祖父遊兩京研究經史兼通天文曆數宣德時以文學徵有言溥善醫者授惠民局副使調太醫院吏目耻以醫自名日吟咏爲事其詩初學西崑後更奇縱與湯允勤蘇平蘇正沈愚王淮晏鐸鄒亮蔣忠王貞慶號景泰十才子溥爲主盟

蘇州府志人物傳



劉溥字原博祖彥敬父士賓皆以醫得官溥八歲賦溝水詩時目
爲聖童長侍祖父遊兩京研究經史兼通天文曆數宣德時以文
學徵有言溥善醫者授惠民局副使調太醫院吏目耻以醫自名
日吟咏爲事其詩初學西崑後更奇縱與湯允勤蘇平蘇正沈愚
王淮晏鐸鄒亮蔣忠王貞慶號景泰十才子溥爲主盟著有草窗
集

吳郡名賢錄

劉溥字原博長洲人祖彥敬父士賓以良醫事太宗潛邸原博八



歲賦溝水詩云門前一溝水日夜向東流借問歸何處滄溟是住
頭人皆以爲聖童長侍祖父遊學兩京研覃載籍尤精天文律曆
之學有志用世宣德初授惠民局副使己巳之變先二年京師有
牛甌一牛五足一足生于領蹄反向上原博占云小人在上夷狄
橫至于是言者交薦不報久次調太醫院吏目非其志也其詩初
擬西崑晚益奇縱悲愁歎憤一寓於詩塞雁南飛之什聞者傷之
於時有晏鐸王淮湯胤績蘇平諸人號十才子每推原博爲盟主
湯尤自豪不可一世遇原博輒俛首屈服原博詩草窗集上下卷

有送錢理平還吳詩則余六世祖也

錢牧齋先生歷朝詩選小傳

劉溥字原博長洲人八歲賦溝水詩云門前一溝水日夜向東流
借問歸何處滄溟是住頭人皆以爲聖童長侍祖父遊學兩京研
覃載籍尤精天文律歷之學宣德初授惠民局副使其詩初擬西
崑晚益奇縱悲憤與晏鐸王淮湯胤績蘇平諸人號十才子

魯亮儕先生全明詩小傳

又朱竹垞先生明詩綜傳注云溥字原博長洲人宣德初授惠民



局副使後調太醫院吏目有草窗集兼徵引時人論評

王元美云景泰中稱詩豪者十才子而劉溥湯胤勣爲首

蔣仲舒云溥詩如淮陰少年武健自足時欲侮人使少加揖遜亦

一時名流


錢受之云原博詩初擬西崑晚亦奇縱悲愁歎憤一寓於詩塞雁
南飛之什聞者傷之

詩話劉原博湯公讓盛有詩名嘗語客云不讀二萬卷詩看溥詩
不得二公讓守宮詩出一時驚歎以爲有神今觀之殊堪作惡時

無英雄遂有十才子之目然就諸子而論原博特多忠悱之言於
彼法中差勝

又引劉宗器贈詩云心事一於詩激發何慷慨靜中聊自怡鬱抑
賴舒暢短章既從容長篇亦跌宕府藏出珍奇鈞天奏空曠正如
巨陂中魚龍交蕩漾有時爲我歌三歎而一唱

海鹽朱琰箸明人詩鈔續集亦云溥字原博長洲人宣德初授惠
民局副使後調太醫院吏目有草窗集并引王元美云景泰中稱
詩豪者十才子而劉溥湯允勤爲之首注云十才子者原博而外



中都湯允勣長洲鄒亮崑山沈愚儀真蔣主忠海甯蘇平蘇正西
蜀晏鐸四明王淮戚里王貞慶或云洞庭徐震叔重也

醫學入門姓氏錄

劉溥字原博吳郡人幼不好弄舉止異於常兒稍長博學善吟常
慕濂溪窗前草不除故以草窗自號用藥惟主東垣守而不攻薦
爲御醫

書史彙傳

長洲彭蘊璨朗峯著

劉溥字原博長洲人宣德時授惠民局副使調太醫院吏目工畫



劉氏支譜

卷九

藝文錄三 旗人所作詩

一

每自題句八歲賦詩有聖童之譽筆類西崑稱十才子之一精天文律數通岐黃著草窗集



目錄

詩目宗牧齋并參三選家有相同者下注一字區別之

看花吟 全

秋夜曲 全

江上別 全

相思曲 全 綜

竹枝詞二首 全 綜 送駕北征

復讐四全明詩選二首 予生

題畫 范寬寒江待渡圖引爲梁光祿仲齊賦

賦得涿鹿送邱伯純還姑蘇



雪山圖爲建德周廷暉賦

題滕孟章送金司稅明遠文後

節孝堂爲開封程用和賦

美人熨帛圖 賦得貞松壽姑蘇張繼孟八十

題崑山沈愚通理詩集 題畫龍 全

題畫虎 全 江鄉漁樂圖 全

蘭竹畫 全 王將軍昭忠詩

題鄭勉畫 趙松雪畫馬



趙子昂畫馬爲長庠蕭教諭作 全

鍾馗殺鬼圖 全

金文鼎秋林醉歸圖爲沙溪陳原錫賦 全

繭菴爲長洲沈孟淵賦 送盛佾生赴吳江醫學

枯木竹石圖爲趙行恕作 全

終南進士行爲劉主事廷美賦 全

白雲軒 全 送夏公瑾還吳

賦得瓊花觀送人



慷慨歌送葉黃門與中赴山西參政 全

題戴武庫山水圖歌 晚過楊州 全 綜

齋居雜興 六首 全 寄南京大理廖少卿

送周景通還姑蘇 全 賦得石城暮雲送別

春晚漫成 全 寒食日過胡汝器墓

送徐仲吉赴任龍江 全 鈔感懷 全

大同克敵進封其鎮守總戎都督郭清甯爲定襄伯喜而賦此以

賀之 全 登樓有感



寄平江侯陳立卿 全 送蔣知縣忠復任丹徒 全

送錢理平還吳 全 送盛御史景巡撫廣東 全

上巳日與諸公遊大同雷公山 全

使回過獨石 全 綜 虜使再至喜而有作

題福山曹氏畫 題畫寄徐州陸九臯二首全 綜

題雙喜圖送馬勝宗從昌侯出鎮宣府

偶作 全 詠衰柳 全

以上六十九首照歷朝詩選編目



古意


雜詩

以上二首從明詩綜提出

得月樓

以上一首星垣從祖背誦錄出

右詩七十二首以歷朝詩選爲綱同全明詩者注一全字同明詩綜者注一綜字同明人詩鈔者注一鈔字因明代詩史獨多近爲編纂傳芳閣名賢小傳方知選及公詩者不少家數而各家所選一二首或三五首篇什廉儉不出四家所列故於目次



標明以便鑒別而備補遺爨鈞謹識

劉氏支譜

卷九

藝文錄三
族人所作詩

九



劉氏支譜

卷九

藝文錄三
族人所作詩



看花吟

白日已墮地迴光燭青天人生時景只如此莫將眉目誇盛年花
開容易落花落難復開開落竟誰有對之心爲摧君不見玉山人
下樹曾見主人羅笙歌主人去後亭館廢空餘滿樹秋風多若將
金玉駐光景鑒之前事將如何

秋夜曲

絲繩玉瓶引深井冰厚銀牀夜初冷素手深籠倚轡轆月明獨照
娉婷影井上高高兩桐樹烏啼只在人愁處金鳳啣珠壓鬢雲彷彿

拂隨風欲飛去井上雖深有限期人心有愁無盡時桐陰散亂月
將落滴盡銅龍誰得知

江上別

相逢蘭渚潮長相送烟江日斜只說儂家好認門前一樹梨花

相思曲

相別誰知許久相思不道能深一夜五更妾夢千山萬水郎心

竹枝詞二首

江心濺濺秋影烟外亭亭綠痕帝子祠前別思鷓鴣聲裡黃昏




其二

微風細雨初至碧水遙天未分問借黃陵遠近江心一片春陰

送駕北征

正統十四年秋七月甲午皇帝提大兵親自討北虜其晨日旁氣
中黑外如火北風轉旗脚獵獵不停舞此行爲宗社倉卒出未預
虜人方恃驕况復值秋暑文臣雖表留奏上不蒙可留之恨不力
苟力必中阻小臣從百官拜送伏道左懸絕不得言徒有泪如雨
前驅至榆河營壘亂旗櫓後隊復踉蹌不復辨什伍挽車避泥潦

前後相接軻躒身走中道車駕從傍過紛紜無紀律將臣殊莽鹵
既蹈不測淵可不嚴爲矩憶昔虜單弱款附來塞下歲貢馬萬疋
未敢設鉤距皇眷來意勤賞賚特過厚一時失防隙遂得肆疆圉
氈衣易龍錦皮帽變珠朶束腰金匾條編貝五色縷玉劍懸轆轤
瑯弓插文筈黃沙白草間金銀耀樽俎鞍韉畫麒麟旌旗綉飛虎
供具與樂器事事無不有一年復一年屢有望外取豈但不知感
其心竟包禍勾連併衆力給以驕諸部罕東兀良哈久矣被飲羽
邇來維納貢其意則狎侮吾皇天地量垢穢悉容受今來犯我疆



我往非過舉勦此違天賊豈爲拓疆土戎狄無人性堯舜不親附
秦有長城築漢有和親許雲擾東西晉厥後極凶醜李唐納婚姻
石晉甘餌誘宋初論金幣中敗青城旅分裂已不堪未復遭蒙古
歷年九十三夷風洽華夏乾坤合清甯篤生我太祖聖德克肖天
飛龍起淮右長驅掃腥羶直出古北口淨洗歷代羞日月開天宇
太宗龍鳳姿丕承奮英武天戈時一指殘孽竄他所漠南無王庭
漠北走窮狗于今已不然信非朝夕故必欲羅奔鯨在衆密網罟
胡乃勞聖躬執政何以處臣聞千金子尙不垂堂坐虜罪誠可誅


持重慎勿苟稽首早回鑾天位要有主欽哉祖宗業正擬磐石固

復讐四首

天有必還運人無不報讐乘輿久蒙塵吾屬得無羞江海有盡時
此恨何時休徒有犬馬心孤身誰與謀有髮上衝冠有泪懸河流
安得倚天劍爲君斬旄頭

其二

勾踐昔滅吳用心非一朝種蠶若相忌宿恨誰與銷既切嘗膽苦
復甘卽薪勞大讐一云復草木亦光昭于今虜方殷矧恃屢勝驕



苟能伺其隙賊首必見梟

其三

土木昔喪師實爲權姦誤存者多創癩死者骸骨露何彼骨肉親
迷方不知顧苟能一斯奮殊勝新所募上以雪國耻下以申私憤
蚩哉釋耕者守株焉得兔


其四

上爵不虛賞受者誠爲難惟此鐵兜鍪中有玉貂蟬旣貴惜其軀
反欲圖自安所以安成君受教魯仲連請君迂往駕急爲濟時艱

豈但生富貴血食千萬千

予生

予生鄙性嗜奇古北走青徐南走楚千金不惜買干將寶匣騰光
快先觀龍文星彩瑩深秀結綠青萍何足數河漢常時失斗牛雷
電中宵吼風雨腰間轆轤引玉鼻走馬走看若環堵居然聲價盛
洋溢始悟漂山因衆煦欲將入水屠蛟龍又欲登山刺豕虎前鋒
呀豁盡低伏至寶誰能不夸詡自從拔仗挺而出反與鋤刀日爲
伍古稱知己極難遇黃鵠摩天困堂廡謂是雖能掃妖沴破屨不



及鈇錐補吹毛可斷玉可切斫木還須避樵斧耳側腸酸極惆悵
涕泪滂沱心更苦豈意前人百煉精出非其時坐招侮古云責人
必責己昔裂唇焦膺屢拊街鬻求售予固昧遺實事名爾何取橐
中黃金落深水覓索徒勞施網罟有用物置無用地志士居常心
爲憮泰山雖高隱烟霧目眩心疑類盲瞽駑駘齷齪市者多騏驥
忿饑常致瘦吁嗟通塞固由命不免重言更覲縷仰視青天發嘯
歌海上鷗鷗今臭腐低徊拂拭且歸匣半夜鷄啼莫輕舞知音倘
不遺此才卽向沙塲殺強虜



題畫

荻花吹雪江風冷
江上微雲淡山影
誰將水墨染生綃
一片江南晚秋景
人家住近紅葉村
紅葉照水如春源
問津有客遠相訪
童子候迎先掃門
隔岸分明皆橘樹
看來應是橫塘路
水禽格格踏波飛
沙雁悠悠入雲去
我別江南今十年
客窗見畫心茫然
明年准擬買歸棹
漫遊重賦江南篇

范寬寒江待渡圖引爲梁光祿仲齊賦

梁公騎馬到我門
手持一幅范寬畫
入門大笑挽我臂
請向中堂



壁間掛絹寬四尺高丈餘一片雪意寒模糊蓋因此畫歷歲久坡
脚破缺裁欲無大山小山玉相瑣樹石人家無不可有人騎驢涉
長道有人下馬呼江舸想其盤薄心神融布置自與元氣通筆勢
慘澹鬼神泣藝苑久矣無良工其上已有三人作巢雲陳員外留

清許醫士與畊樂陳博士或情或景各其妙我欲續之媿粗惡梁


公梁公聽我語此畫曾入宣和譜真是寒江待渡圖切莫向人容

易與

賦得涿鹿送丘伯純還姑蘇



平生愛訪古走馬遊四方金臺南去百餘里乃是涿鹿古戰場軒
轅騎龍上天去鼎湖何處秋茫茫蚩尤死後幾千載青山蜿蜒至
今在當時妖霧久銷沉空餘易水東流海海水變桑田天地幾翻
覆龍爭虎鬪且莫論捲起飛塵縱雙目三晉在西秦在東北京正
在天之中金樓玉殿仰頭看日月普照開鴻濛萬國朝宗必經此
昇金載玉何匆匆紫荊崔嵬雁門固塞斷胡奴往來路一錐孤塔
河間城千仞層冰海邊戍下馬促沽酒洗我磊落懷扶桑盪天起
泰華隔雲排手攀北斗發長嘯鳳凰飛上青雲叫官亭齊和遠遊



篇燕姬嬌笑弄鵝絃不將寶劍舞秋月且贈珊瑚白玉鞭

雪山圖爲建德周廷暉賦

我昔曾見寒林圖范寬妙筆天下無千山一白氣栗冽萬木盡黑
雲模糊此圖乃是誰作者布置大抵如臨摹比之寒林勢差小木
石瑣碎何其殊周君持來索我詩我爲品藻精與粗吁哉畫法且
勿論且將畫景相排鋪其時嚴冬十二月大雪照映如冰壺千巖
萬壑凍初合山腰有路鬱以紆何人馬上正癡絕冒寒不顧冰滿
鬚復携肴酒欲何往不念跣行雙僕夫茅亭孤高在絕頂直下萬

勿當平湖風波茫茫鳥飛絕却有魚艇行相呼此曹豈不畏冷冽
但苦衣食來求魚世間苦樂有如此使我不覺長嗟吁我從挈家
來帝都僑寓于此三月餘北風怒號捲飛雪厨中久矣薪無儲乃
令我僕入山去歸來滿担懽妻孥妻孥所懽在煥熱豈知此僕寒
而痛頃因見畫感懷抱正與此意同一塗詩成併以寫其上幸勿
向此憎囁嚅

題滕孟章送金司稅明遠文後

滕君文章不輕作滕君情懷絕傾倒如今尤信古人言文章有神



交有道昨日爲文送知己士林往往皆稱好復來珍重索我詩我
詩近來絕草草第愧未得交其人始向文章見懷抱萬里長江烟
秋月一片春雲麗晴昊走向離筵與相見氣宇孤鶩更文藻不揣
新知贈一言莫負文章自須保

節孝堂爲開封程用和賦

母年三十失所天形容顛頽心煩冤懷中之兒僅一歲忍死不得
趨黃泉眼中有泪不敢哭辟繡買書教兒讀兒今老大五十餘阿
父聲名可相續往時疽發背胛間表潰岑岑如負山兒心痛切無

所措口吮膿出隨無艱如今母已八十五節操冰霜人所覩况復
賢郎著孝稱翼翼高堂燕今古

美人熨帛圖

霜帛丁東搗初歇女伴相憐白如雪掩帷下堂同此情白腕對曳
當中庭中庭無風乾未得銅斗自燒還自熨只愁熨着有焦暈難
表此身如此白小鬢莫更蹲復蹲復恐皺却葵花紋

賦得貞松壽姑蘇張繼孟八十

徂徠之松何蜿蜒根盤厚地枝摩天氣橫東南動光彩泰山風雪



衡山烟長風吹天天宇開颯颯海濤天上來世間草木總卑小如
就彭祖觀嬰孩古來君子不改德松亦何嘗改其色往往工師求
棟梁重如山嶽誰移得春風細灑金粉香茯苓寒凝琥珀光爲君
取此製春酒飲之眉壽同無疆

題崑山沈愚通理詩集

吳城東頭八十里玉山春插婁江水何人秀發山水間沈生文章
妙無比清如玉樹含秋霜麗如五色雲錦張琅然天外度靈響一
曲一奏春風香春風吹入長安陌紫陌烟花爛晴色隋珠趙璧常

自珍樂府詞林盡相惜生今年才二十餘聲名欲與前輩俱方今
四海被皇化好協雅頌歌唐虞

題畫龍虎二首

古來畫龍稱葉公後來又說陳所翁嗚呼二人不可見神妙誰復
追其踪此圖知是何人作一見令人卽驚愕勢翻滄海起風雷身
湧長空奮頭角雙睛潑電鱗分左盤右蹴拳飛雲軒然天地動
光彩此時不顧魚鰕羣滿堂慘淡凝煙霧相對咨嗟毛髮豎田疇
歲旱望甘霖破壁須看上天公




其二

千山萬山日向哺啞啞老樹愁啼鳥長途迢遞人絕跡奮躍只有
黃於菟長風颼颼震林木百獸紛披望風伏霜牙凜凜摧萬夫金
睛瞳瞳射雙目饑來擇肉惟熊羆不更小取豺與狸田家黃犢要
畊種又肯搏攫誇能爲如今天關求守備蓋世雄威素稱異舉首
爲城掉尾旌願保皇家千萬世

江鄉漁樂圖

桃花雨歇春潮長江中鯉魚隨水上香蒲葉短白鷺飛漁夫乘船




自來往船頭巨罾三丈餘
轆轤引綆如引車
浪花觸船魚亂躍
兒女相顧爭歡呼
江頭賣魚朝買穀
晚來還向江頭宿
老翁不愁兒
不啼新婦船中炊欲熟

蘭竹畫

湘江雨晴白雲濕
湘妃愁抱香蘭泣
望望夫君去不還
珮珠落盡無人拾
碧天秋冷明月多
千里洞庭橫白波
請君莫唱竹枝曲
水遠山長其奈何

王將軍昭忠詩




將軍虎鬚如刺針胸中八陣瞿塘深昔陪元戎事南事實劍入手
雙龍吟麓川小醜據巢穴沙木龍高瘴雲熱歲金不貢抗王師象
陣橫刀亂飛雪將軍前鋒不作難百騎馳突風雷寒陣前妖星欲
墜地戰久力盡先摧殘大軍當時若相援拜將豈得重築壇國殤
多年歸不得血染靡蕪至今碧旌忠有誥五色文絕勝區區一方
石

題鄭迪畫

闔閭城北陽城湖一碧萬頃涵太虛玉山虞山迭襟帶林屋瀟瀟



當前祛君家還在河之北喬木森然圍大宅長風捲浪送高帆一
日行程纔頃刻我因瓜葛長來往南汀西渚芙蓉開尊翁平生好
懷抱長日與我啣金杯一朝我應徵書起高步天門拜天子獻策
漸無一萬言歸夢常飛四千里四千里路何悠悠暮雲春樹難爲
愁忽報尊翁已淪沒使我慟哭無時休今年省侍還鄉遇訪舊還
來舊遊處却將愁思改歡容二子森然如玉樹舊書增多新宅高
萱堂日日堆蟠桃里中長老說佳子邑裏官吏稱賢豪伯也從容
性非蘭仲也謙恭我東坦從來孝友出故家讀書出仕亦未晚



趙松雪畫馬

王孫畫馬世無敵一畫一迴飛霹靂千里長風入彩毫平沙碧草
春無跡硯池想是通渥洼突然走出白鼻騮翻濤浴浪動光彩雲
影滿身堆玉花玉花連錢汗流血駿尾捎風蹄踣鐵何時騎得似
畫中踏破陰山古時雪

趙子昂畫馬爲長庠蕭教諭作


朔風如刀剪飛雪冰疊龍池凍痕裂成羣撲簌正煨寒千里驕嘶
汗流血雲邀電影入四蹄海霧捲天葱嶺低一團旋風去無跡平

劉氏支譜

卷九

藝文錄三 族人所作詩

二十一



沙碧草愁萋萋珊瑚作鞭金作勒綠髮奚官騎不得王孫老去彩
毫乾玉棧幾回驚霹靂

鍾馗殺鬼圖

空山無人夜色寒鬼羣亂嘯西風酸綠袍進士倚長劍席帽颭影
烏靴寬燈籠無光照斜水怒裂鬼頭燃鬼髓大鬼跳踉小鬼嚎滿
地鵬鴉飛不起如今城市鬼出遊青天白日聲啾啾安得此公起
復作殺鬼千萬吾亦樂


金文鼎秋林醉歸圖爲沙溪陳原錫賦



霜華灑紅樹頭葉白雲掩映山重疊黃犍馱醉出西莊童僕扶持
穩如楫此時陶然那復知世塗奚較險與夷眼中萬物一何有只
有松風吹接羅疎林斜光漏殘照酡顏霞影爭輝耀深山間靜不
逢人豈有襄陽小兒笑柴門向晚猶未關山妻煮茶方候還人能
出飲醉卽返千里龍媒應是閒

繭菴爲長洲沈孟淵賦


兜羅膩疊香雪溫影逼混沌春無痕龍精出火玉抽縷剡楮粘番
羞薄昏纖華茸茸白雲老雙輪斂轍晴留曉擘開元氣納崑崙身



外乾坤一漚小水晶簾幕相間垂鮫綃掩映光參差落花成團捲
蝴蝶蹴破東風間不知東風吹塵塵默默紫麟駝醉華胥國海桑
含綠又千年走馬西陵報消息

送盛侑赴吳江醫學

闕下新涼生潞河江南猶唱採菱歌菱歌嫋嫋唱不斷畫舫載風
衝白波香蘭葉勁那堪結美人不是輕離別一階領得故鄉官堂
上雙親正垂雪玉壺滿注香露清欲別未別難爲情梧桐楊柳秋
未老積水半涸天河橫吳江一望五千里鴻雁亦逐孤雲征長橋



鯉魚黃金色太湖影動羅衫碧好將尺素待東風杏花春雨傳消息

枯木竹石圖爲趙行恕作

露華洗濕江上秋美人不來生別愁洞庭瀟湘隔千里兩岸白雲
如水流碧空茫茫九疑道君山一點青螺小鷓鴣啼斷竹枝寒鳳
凰飛去梧桐老

終南進士行爲劉主事廷美賦

長空糊雲夜風起不分成羣跳狂鬼倒提三尺河黃冰血灑蓮花

劉氏支譜

卷九

藝文錄三 族人所作詩

二十三



舞秋水飛螢負火明月羞樑窠影黑啼鴛鴦綠袍烏帽遑行事磔

腦剝腸天亦愁中有巨妖誅未得盍駕颺輪驅霹靂如何袖手便


忘機回首東方又生白

原博題此詩廷美懸之堂上次日賀正客至競裂門籍紙傳寫廷美日此廬乃耗紙

鬼也

白雲軒

山中多白雲天上多清風清風解炎熱白雲自西東江頭坐看雲
起處一片從龍天上去化爲甘雨潤枯苗不作繁陰宿高樹清風
冷冷吹我衣還送白雲天上飛天香不斷瑤草碧何處玉笙騎鶴



歸

送夏公瑾還吳

愁結望冰消冰消愁轉結不見鄉人來翻與鄉人別
叵耐東風又弄寒楊柳長條亂吹折一壺旋買金臺春
難洗行人衣上塵糧車芻載擁官道歧路復歧愁殺人
念昔君官考功部仙才不負親題柱誰知造物如小兒
疋馬雲中枉高步去年上皇北狩回詔書復用賈生才
身輕已得釋重負遙指庭闈歸去來歸去來不可留腰
間寶帶懸吳鉤故園山水今復游竹輿青舫詩酒儔請君
莫忘皇

恩優邊城米貴人不飽征戍未知何日休

賦得瓊花觀送人


瓊花觀在江都雲窗月館仙人居無雙亭前一方地昔日瓊花今
已無玉女香車游碧落回首人間塵漠漠重闌空護八仙花飛珮
誰乘九臯鶴古城楊柳接東橋十里紅樓路不遙行舟過此一停
泊瓊樹陰中聽紫簫

慷慨歌送葉黃門與中赴山西參政

且莫歌遠別離別離戀戀兒女悲又莫歌長相思相思懸懸天一



涯今君參政晉藩去何乃慷慨增吁戲憶昔混沌初元氣未破時
動變隱其象用捨憑何施自從開闢顯朕兆陰陽進退爭雄雌有
時賈誼去作長沙傅有時呂尙來作周王師一得一失古來有往
往虛占夢芻狗青天白日風雨來泥竅凋凋螻蛄吼欲洗胸中萬
古愁豈在區區一杯酒酒杯不暖東風寒錦袍亂撲沙成團楊花
着地捲春去立馬四顧天漫漫君不見伊臯與益稷回乾轉坤在
頃刻五雲高護黃金臺行色匆匆留不得斷不是鳴鴉逐鳳凰亦
不是蒼蠅污白璧獻納之官合峻升空使傍人惜顏色請君停鞭




劉氏支譜 卷九 藝文錄三 族人所作詩

聽我歌聲欲盡愁轉多
太行西來碧嵯峨
黃河萬里奔洪波
呼兒緘辭送君去
極目浮雲奈爾何

題戴武庫山水圖歌

長笑司馬遷足跡
半天下
天下區區只九州
何乃中途便回駕
崑崙拔地撐九天
地脈四走瓜蔓延
星分棋布聳喬嶽
千里萬里相鈎連
元氣胚渾異南北
荒服之外何茫然
天山冷斷黑樓雪
海國瘴隔蒼梧烟
大江西來滙百川
黃河觸裂蛟龍淵
長風吹濤捲高霧
扶桑咫尺眉睫邊
周王八駿不足貴
蹠躅弄影瑤池前
何不駕



颺輪望八極手握斗柄雲中旋仙人驂紫鸞一去不復返浩蕩千
古懷堯舜事已遠不如高臥讀書樓採芳摘秀春復秋六經萬山
道爲海稷高伊傅期同游手掖疲癯登壽域熙熙皞皞無時休况
君少年飽經濟直上天門朝冕旒昔人文勢君可敵昔人事業君
須惜吐我胸中五色奇醉倚秋雲寫寒碧

晚過揚州

長河懸落照短棹尙孤征衰柳愁邊斷殘霞雨外明人喧揚子渡
鐘動廣陵城漸去鄉關遠凄然倍旅情



齋居雜興 六首


綠水平橋北青帘小巷西
酒香春甕滿山色晚樓低
半醉歌新曲閒眠改舊題
偶因乘雨出雙屣盡沾泥

其二

情懷甘澹泊書吏自逍遙
夜讀妨鄰睡晨眠誤客招
燕歸簾半倦鳥散竹還搖
雨足軒東圃綠溪認藥苗

其三

北岫青當檻南園綠近門
蛛絲粘樹葉蠟穴蝕花根
移石搭茶竈



臨池濯酒樽何須求分外遲起上朝墩

其四

涼意生新浴幽情遠垢氛雨堦行亂蟻風箔散饑蚊興好多題扇
神清不茹葷有時弦綠綺橫膝奏南薰

其五

詩客每相過書齋常不扃雨生枯木菌風約小池萍得興翻琴譜
乘閒刻硯銘近來耽野趣頻到水西亭

其六

劉氏支譜

卷九

藝文錄三

族人所作詩

二一十七



卷九
撫景憐秋盡觀書喜夜長露蟲喧砌石風葉墜琴牀舊集裁蔬語
新傳製墨方曉來雙鶴舞踏碎一庭霜

寄南京大理廖少卿

塞北風塵暗江南道路賒上皇猶在虜賤子敢思家歲去人空老
天寒日易斜不堪千古恨撫劍獨興嗟

送周景通還姑蘇

塞雁盡南飛西風及授衣不愁孤客老惟喜上皇歸雪恥心猶壯
還鄉夢獨稀匆匆一杯酒何必嘆相違



賦得石城暮雲送別

石城千仞鬱嵯峨
城上春雲向晚多
薄映殘霞分雉堞
暝隨歸鳥渡龍河
依依欲散風前角
幕幕猶停柳外歌
又逐行舟過江去
相思向首奈愁何

春晚漫成

重城楊柳晝沉沉
坐久黃鸝嘯夕陰
幾處開門芳草綠
一簾微雨落花深
年光暗覺隨流水
春色長看滿上林
故國松篁還似舊
莫教奔走負歸心



寒食日過胡汝器墓

雨晴泥滑路微分，駐馬南原日未曛。
白下一杯寒食酒，青山三尺故人墳。
野田行客愁深草，江樹殘鶯泣斷雲。
俯仰光陰傷往事，落花清淚共紛紛。

送徐仲吉赴任龍江

楊柳陰陰乳雀飛，可堪相見復相違。
南風草色連江舍，北闕鐘聲繞禁闈。
盛世一官隨處好，故人千里幾時歸。
欲知後夜相思意，疎雨寒松獨掩扉。



感懷

塞雁南飛又北旋上皇音問轉茫然孤臣自恨無容地逆虜猶存
共戴天王衍昔年知石勒謝玄何日破符堅京城四塞山河固一
望龍沙一淚漣

大同克敵進封其鎮守總戎都督郭清甯爲定襄伯喜而賦
此以賀之

捷書飛奏入明光邦伯榮封位定襄邊閫到今方得將漢庭從此
不稱王正愁白髮逢多難忽對青春喜欲狂却愧無緣走相賀典


衣聊自醉壺觴

登樓有感

翠華遙隔塞雲寒
白草黃沙道路難
國恥幾時能雪洗
羣言何事只翻瀾
河東未必無關羽
江左誰知有謝安
俯仰乾坤獨惆悵
夕陽樓上一憑闌

寄平江侯陳立卿

梧桐葉老菊花肥
秋氣催寒及授衣
青眼故人頻入夢
白頭孤客未言歸
江湖寂寂雙魚冷
風雨淒淒一雁飛
尊酒論文久相約
不



堪時與素心違

送蔣知縣忠復任丹徒

綠酒紅亭紫禁東，不堪行色苦匆匆。
正期霄漢登黃霸，又見江湖復魯恭。
沙氣半蒸梅子雨，浪花初過鯉魚風。
道塗跋涉須珍重，自古循良簡帝衷。

送錢理平還吳

江上蘆花似雪飛，玉京游客正思歸。
畫船載酒尋詩社，沙鳥衝人下釣磯。
南浦早霜秋潦澗，西風殘照故山微。
到家想見開筵處，翠

竹黃花晚更輝

送盛御史昶巡按廣東

玉驄金豸下青霄
庾嶺南頭道路遙
霜葉定從行處落
瘴雲應向到時消
山雞吐綉風號雨
海蚌含珠月映潮
最喜送行冰雪霽
臺中老柏讓孤標

上巳日與諸公遊大同雷公山

羣公佳會屬良辰
自笑遊人是遠人
花下共拚今日醉
江南又負一年春
雲山滿眼傷前事
風雨何時洗戰塵
回首斷溝橫古道
不



勝悲憤欲沾巾

使回過獨石

邊城二月暗塵沙
吹過東風不見花
天上玉京旋日騎
水通銀漢繫星槎
雲中路出高山險
上谷營連獨石斜
正是旅愁消未得
夕陽樓外又鳴笳

虜使再至喜而有作

北使成羣去復來
喧傳欲奉上皇回
懸河涕泪經年盡
匝地風塵一旦開
福德果符休士兆
英雄空抱救時才
只愁猾虜多翻覆
早

迓鳴鸞入紫臺

題福山曹氏畫

歌舞當年只醉遊不知何物是閒愁如今桐樹無人洗風雨空山

幾度秋


曹氏富甲一郡植梧桐數畝主人將納涼其下令人以新水沃之謂之洗梧桐淮兵由福山入吳曹氏園亭首被禍

故草窗詩云云

題畫寄徐州陸九臯二首

別後種來未有期且憑圖畫寄相思秋風黃葉茅亭上猶記逢君

是此時



其二

目極天涯酒半醒
楓林斜帶遠山青
故人家在秋雲外
百步洪邊

水繞亭

題雙喜圖送馬勝宗從昌平侯出鎮宣府

遠隨金印出邊州
早報平安入鳳樓
剪取白羅飛繡影
旗竿十丈

掛胡頭

湯東谷作此詩未出見草窗作乃嘆服曰此真題
邊將白鵲詩吾詩乃學課語耳遂焚其藁

偶作

燈影分明隔絳橋
玉堦行盡轉迢迢
春風只在銀屏裏
殘雪何愁

幾日消

詠衰柳


露葉烟梢翠色浮
向人長是弄春柔
多情自是多顛顛
莫向西風

錯怨秋

以上六十九首從歷朝詩選錄出較他選獨多

古意

美女出齊州容華世無雙
修眉結輕綠麗目曼騰光
鮮紈被玉體明月綴兩璫
巧笑發春華氣若秋蘭芳
窈窕高樓居宛在大道傍




媒氏致千金琴瑟諧高張既製合歡被復製合歡牀德義苟無虧
恩愛永不忘

雜詩

仲秋涼氣肅白露下庭柯芳蘭委輕颺桂樹行復華俛仰時節至
生意迭以嘉理運本自然無爲徒咨嗟人生貴有道富貴安足誇
膏火一朝盡撫膺其奈何

以上二首從明詩綜錄出

得月樓



高樓臨南濠流水含夕清推窗望初月團影漸分明渺渺涉東嶺
默默來前楹正爾羣動息心中亦無營廣屬衆不悟獨得誰能爭
於此領深意悠然契平生

右詩一首乃星垣從祖口授錄出併成七十二首從祖諱榮

辰自云壯年尙能背誦六七首紅羊後遺編歷劫記憶力衰

僅存碩果感慨係之 鈞識

附杜瓊贈劉草窗三十韻

河圖一畫人文現書畫已在羲皇時鳥跡科斗又繼作象形取義



日以孳肖形求賢在商世書畫從茲分兩歧秦漢畫工可指數筆

跡已遠不可追顧陸張英吳後先出六法盡得誇神奇山水金碧到

二李水墨高古歸王維荆關一律名孔著忠恕北面稱吾師後苑

副使說董子用墨濃古皴麻皮巨狀秀潤得正傳王詵寶繪能珍

琦乃至李唐尤拔萃次平彷彿無崇庠海岳老仙頗奇惟父子臻

妙名同垂馬夏鐵硬自成體不與此派相和比水精宮中趙承旨

有元獨步由天姿雪川錢翁貴纖悉任意得趣黃大癡淨明菴主

過清簡梅花道人殊不羈大梁陳琳得書法橫寫豎寫皆其宜黃

鶴丹林兩不下家家屏障光陸離諸公盡衍輞川脉餘子紛紛奚
足推予生最晚最愛畫不得指引如調饑幸逢聖世才輩出且得
遍扣容追隨友石先生具仙骨落筆自然超等夷葵丘爛熳文鼎
潤獨醉獨數寒林枝綿州寓意最深遠數月一幀非爲遲我師衆
長復師古揮洒未敢相驅馳溷縑澆楮且不厭寫就一任傍人嗤
劉君識高頗見錄往往披對心神怡且云慘澹有古意口不卽語
心求之我有鷺飄富題詠欲得長句須君爲十年不與豈有待以
彼易此何嫌疑我詩我畫旣易得請君不吝勞心思



附杜淵孝先生傳

杜瓊字用嘉吳縣人博綜古今詩以博達爲宗尤善寫層巒疊嶂
師法董源性至孝父名玉終身諱玉嘗割股已母疾有司將上其
事請移以旌母節每求賢詔下有司輒首舉固辭不出晚而徙家
東原得朱長文樂圃家焉學者稱東原先生戴鹿皮冠卒年七十
有九諡淵孝先生

附蔣主孝送劉草窗原博北上


筦庫誰憐有俊才買舟今日上燕臺繞堤江鷺對人語千樹野桃

當午開使者再來顏闔去箭書初下魯連回煩君此別須珍重莫
遣兒童浪自猜

附蔣先生小傳

蔣主孝字務本用文之子也作詩取材於漢魏而音律則以唐人
爲宗自選其詩曰樵林摘稿

原博公諱溥字康民八歲能詩宣德時以文學徵景泰間稱十才
子著有草窗集兩卷兵燹散佚矣讀明史文苑傳府志人物傳吳
郡名賢錄醫學畫史等書益嘆公詩之不可失也留心久之於蘇



得明詩綜於杭得明人詩鈔於京師得舊板全明詩以兼金購之
最後得錢牧齋歷朝詩選計六十九首視全明詩多二十四首惟
朱竹垞明詩綜七首內有古意雜詩兩首純從原集選出爲錢本
所無星垣從祖背誦得月樓詩一章幾如口授壁經不忘數典合
成七十二篇都爲一卷名曰草窗詩存聞鍊琴銅劍樓藏有全集
未卜碣否擬修函奉商焉

甲子新秋十九世孫燮鈞拜跋



劉氏支譜

卷九

藝文錄三
族人所作詩



新民社印刷所

電話兩市二二一三

地址上海大馬路外灘新新街



上海图书馆

登记号码

JP00001021



卷十

劉氏支譜

甲戌孟春

王西神題





劉氏支譜 卷十


眉亭公詩存 居蘇十七世

中秋玩月奉懷

走徧城鄉綠樹陰
石湖再訪已春深
文章敢作千秋想
山水無言百計尋
我父獨經成往迹
宗兄卜課決疑心
形家惑衆蛇吞蛤
力破迷團保至今

其二

盼到來鴻解百愁
披雲讀月上層樓
洞庭橘柚行將熟
鄧尉梅花



憶昔遊北望江鄉多感喟西風海上易驚秋何年同作還鄉計松

菊琴書傲五州

和章君秋風夜雨詩

七夕初過已半年秋風容易最堪憐家鄉迢隔情難禁人事研磨
定更添爲愛新涼宜早起貪看夜月未曾眠窮通得失皆由命富
貴浮雲悉聽天

春夜感懷

殘衫破帽感沈浮短鬢蕭蕭對鏡愁滿地江湖悲失計一天烟雨



不勝憂寒山遯跡思鷄犬末路依人數馬牛懊悔華年輕擲去可
憐花下娛風流

梧桐月

流雲吐月一輪斜金井梧桐處處遮愁聽寒階吟蟋蟀夜深扶影

上牕紗

病中偶作

臥床一病十餘天晝不能行夜不眠是否餐霞能養性茶烟半榻

卽遊仙



其二

排悶觀燈不夜天涼宵看月未成眠修身何必天台去閒坐明牕
自是仙

遊沈氏廢園

幾株枯樹集寒鴉破壁頽垣夕照斜羅綺飄零歌舞散空階閒煞
玉蘭花

春寒逼人夜雨連朝芸牕枯坐悶無聊賴偶抽舊卷以釋新
愁獲閱香海詞人并不愁明月館主小遊仙臺城路詞一闋



敬步原韻

寒門一夜驚風雨朝來未開晴
霽東風拂拂春雨綿綿難收一天
雲氣花柳菴媚想此際申浦冷情
艷麗解煩釋懣惟有筆墨堪游
戲荒齋枯坐無緒歎人生半世後
嗣未繼功名不就事業未成
久羈異鄉客地碌碌無計謀衣食
終朝本少微利胡底無限愁腸
向誰人訴起

前題 仍步原韻

小樓昨夜聽春雨今朝豁然晴
霽日暖風和花香鳥語好箇艷陽

天氣春光明媚想美景良辰多少佳麗寶馬香車往來士女都遊
戲海上風景有異歎滄桑幾更興業誰繼燈紅酒綠問柳尋芳
墜楚館秦樓地迷人受計將一點假意裝來花蕊底無數恩情作
狎邪上起

丁亥暮春

歸來重整舊生涯瀟灑柴桑處土家草庵兒不用高和大美青標
不慕奢華糊紙窗白木榻掛一幅單條畫種幾株得意花自燒香
童子煎茶




星垣公賸稿 居蘇十七世

衰宗不振二百餘年矣郡中一支落落晨星自孝惠公以避氛
始遷鄧尉迨茲十葉雖幸清白相傳無奈寒微相繼祖墓荒涼
宗祠無地抑且戶多故絕人盡貧寒眷茲悲傷不勝浩歎竊有
幸者大宗族兄德華移家海上勤儉起家宅心愷悌解紛排難
人有魯連之風濟困扶危鄉有孟嘗之號長嗣竹屏善承先志
時懷祖德可稱無忝所生者矣冢孫乙青以英歲掇芹繕修族
譜志以宗祠祖墓爲重述祖德誦清芬深有繩武跨竈之風焉

且頭角英英後生可畏洵吾家之千里駒也愚壯不如人既貧
且邁一身傲骨動輒招尤兩袖清風事多掣肘毛血日衰志氣
日微無能爲力矣虛生無補精衛堪悲深負先人愧無地矣光
前裕後宗祠有人意在斯乎尙慎旃哉跂予望之感成近體二
首一以自悲一以寄勗云爾

馬齒空加黯自羞此生壯志已沈浮阮囊羞澀何須問孟甌拋磚
墓可收那有魯戈堪返日深慚精衛欲填流後賢有志光前業好
趁英年力正優




其二

頭角英英正少年家駒千里看翩翩
松楸無恙懷先德七鬯堪承
賴象賢南北已分寒煖異東西恨隔海山懸
後賢有志光前業作
室何須問道邊

石壁

七十二高峯迴環一望中湖波開萬頃
翠竹列千叢俊秀推羣季
痴聾愧作翁程郵非好事聊以慰途窮

神仙誕日偶占



劉剛

氏文譜

卷十

藝文錄四

族人所作詩

清淨慕神仙神仙不可卽金石冀長生長生不可得徐市去不遠
驪山已葬骨文成既駢首金門托詭譎聖賢亦人也所貴在努力
爐鼎本有基鉛汞非外物人人有大丹人人都不識淡泊可永年
此外無他術

小泊

小泊樓船鐵甕城匆匆又作絕江行看他蠟燭幾回剪聽盡鷄聲
不肯明水底霜寒還十倍夜來月上恰三更篙師好事君知否江
面侵晨鏡樣平



謁三高祠

笠澤茫茫蛟龍潛三高有祠不知年但留氣節高天下曠世觀摩
人並傳緬懷曩昔范少伯曾共勾踐羈石室功成一且飄然去五
湖一棹烟波白後起高風有季膺秋風忽地憶鱸尊軒冕心冷脫
敝屣富貴眼空等浮雲魯望當年居甫里闌鴨能言傲中使酬唱
聯吟思不羣晚唐賴之有繼起千載於今叙一堂鷗盟遙指蘆花
裡吳江之水瀏且清吳江之月寒且晶水月長天共一色三高千
古同其名君不見古來英俊知多少生則有榮沒則草何如斯祠

流風長雲山蒼蒼水泱泱

與乙青侄孫書

前日承 惠手書藉稔 文祺綏燕邸况迎羊甚慰鄙懷賢姪孫
天資超卓加以名師益友晨夕切磋想見精金百練良玉千磨自
然春花秋實跂予望之愚本擬來省一瞻芝宇無如春間一病步
履非前且天氣漸炎不耐勞頓未克如願歉仄殊深承委與尊大
父作傳愚以襪線庸才中書已禿蝨負堪漸維是 賢姪孫不忘
追遠時以先德是懷既詢芻蕘又何敢不贅一言以慰不匱之思




耶第椎魯不文不足供大方一覽然亦不敢爲諛墓之言轉失廬
山真面目倘必登諸家乘還希修飾潤成庶可傳信後時耳况述
先德誦清芬誠盛事也詩曰無念爾祖聿修厥德又曰繩其祖武
賢姪孫勉之哉倘有佳音還祈遣雁

又

胥江語別蟾魄再圓每憶 英姿時深洄溯前奉 惠書囑委作
盾疑說 愚自忖襪線之才汲深綆短蝨負堪慚且作是說者序事
貴詳而簡立言欲超而卓則 愚深有愧焉而謂能爲之哉繼而思

之此係家乘之言非外人所能道者愚又安得而辭之愚守此傲骨絕少交游近如退院老僧痴聾不問惟賴麴生解悶或從山人田父量雨較晴以消永晝耳雨窗岑寂兀坐無聊搜索枯腸勉成數語康民公之傳疑敢不揣芻蕘謬爲立說聊以塞責至於南渡之說年代難徵兄弟相淆反覆屈詰三易稿而不得通賢再姪雄才特識其於進退之際宜留意修飾或獨出心裁或另開生面但使理明詞直勿以愚之管見蠡測在前而以名分爲拘恐一登家乘一悞再悞復起後來之惑卽存而不論可也求墓一事足見



苦心此誠家乘之光不可不記謬作數言并錄附覽又附俚言卽事數章統希裁而正之幸甚幸甚

令祖姑都姊詢知適香溪呂姓清苦自甘於三十九歲而歌黃鵠
齏鹽荆布守志無他又孔氏嫂之行容日再行具草奉復可也眉
亭弟處若有鴻便祈爲慰一致潤思是幸

又

胥江譚別月已再圓前得手書得悉寶華山廉使公墓於無意中
得之雖曰祖先靈爽實式憑之良由賢喬梓積悃所格自有山靈

爲導信乎精誠所至金石可開也旋訊文旌知於初八日早發定
卜片帆風送直抵里閭洵足告慰堂前也邇者薰風奏暖化日舒
長對山中之景物時切翹思緬海上之風光頻興洄溯遙惟 侍
祺綏燕潭社臻羊不勝忭頌 愚傲骨一腔藥愚無術清風兩袖故
我依然悲慘淡之松楸不堪回首嘆飄零之譜牒時復傷心前月
初有支礪山周姓同錢姓者來家兩次欲貼補塼糧 愚以地界尙
未清晰看管未定誰何語伊候來歲理明自有章程給與川資而
去茲又接得玉遮支抄來宗支一小冊閱之亦不甚明晰不過大




畧而已然可掛者系之疑者闕文可也第思衰宗不振幾二百餘
年矣修家乘理瑩原係舉族大事然必志力兼優事乃克濟茲光
福一支既人情不一况終日從事蠅頭附和因循恐難着力而愚
壯不如人今疲憊衰頹無能爲矣又城中一支落落晨星惟眉亭
弟強年練達綽有父風又困於生計海角天涯維賢喬梓誦芬心
切繩武風高既實心而實力復有志而有才况經營屢中膂力方
剛庶同心以共濟自有志之竟成乃昔日祖宗之餘蔭卽他年宗
祠之生光也前委步韓公傳畧返舍後卽欲爲之而胸中棘澀卽

靜處避人尙格格難吐况舍宇湫隘叢雜幾無容硯處是以因循
疏畧聊以塞責云爾第思傳志傳其人也與其失之誕不若失之
畧愚言不足爲重茲所序者雖未全失廬山眞面目而前後難無
想當然之語襍線之才深慚蝨負耳茲將傳草繕錄奉粲其間年
數未經核實故缺字以待填入至於文理未貫祈 大才削正勿
以名分爲嫌庶使頑石成金以免刻鵠之譏是所深幸棣亭處若
有音問希爲愚謝不敏也爲感茲值便鴻特修蕪函並將傳草及
玉遮支一册一併奉粲



又

數百里外得老賢姪孫馳 惠手書兼及 瑤章并步韓公小記
捧讀之下如飲玉川七椀兩頰徐徐清風生矣愚賤軀依若差堪
告慰惟不幸於七月初六日陡遭四兒子珩一病溘逝妻孀女幼
悽慘難言由是西河隱痛深蓄五中惟日與青州從事相親以澆
碣礪不覺髻毛又非往日矣况愚壯不如人無能爲事惟 老賢
姪孫英年頭角蔭下栽培行看功深養到自然萬里鵬搏青雲直
上光前裕後意在斯乎第矜燥之氣不可不平此愚之所深望也



尚其勉旃步韓公之傳畧愚一時率構漏訛甚多萬望點正庶可登諸家乘慎勿以名分爲嫌幸甚幸甚

又

日前天氣晴和夜卜燈花晨聽鵲噪忽覩文旌西指正如喜從天降薄病爲之生色紫芝眉宇可銷鄙吝陳琳文檄能愈頭風信不誣也况茗椀相對剪燭談心誠爲快事乃未及匝日遽告言旋投轄繫駒都無長策而愚又正牆面立矣別後縈繫實勞我心恐多辭費不若括囊然邂逅借臧容得已乎勉吐俚言以鳴洄溯外

附市隱傳一篇糠秕空談甫經脫稿希於文戰之餘留意釐定自
問浮生碌碌皓首無成與草木等耳何傳之有將謂寫生耶抑自
譽耶雖未免他日糊窗覆甌之用然於廬山面目或得二三焉則
可爲知己者告難於俗人言也倘得蒙月旦而附之家乘之末則
亦幸甚希勿嗤焉而進之邇者天日驟寒風雨愆期旅窗岑寂諸
維珍玉爲要

又

今歲爲病魔所困筆墨久疎茲雖薄愈惟終日枯坐耳昨得兩姪

劉氏支譜卷十
藝文錄四
人所作詩

孫錦報不禁狂喜詩以賀之

乍看拔幟奮雲程又聽天衢鶩鶩聲
軾轍文章傾海內郊禱大小
震吳城十年重價聯雙璧萬里鵬搏聽
一鳴扶病支離懷祖德
教喜極淚縱橫



乙青公詩序 居蘇十九世

西亭夜泊

久旱雨初稠春泥滑似油行囊添卷什歸計問輕舟客倦如飛鳥
風高怨石尤西亭亭不見停泊市西頭

舟過金沙寄懷孫敬人同寅

征人思舊雨風雨正交加春漲三篙活雲陰一路遮造廬無笠屐
隔水想兼葭憶昔弇山日同煎試院茶

題師山圖送劉冲夷縣長調任如皋

劉氏支譜

卷十 藝文錄四 族人所作詩

十一



劉氏支譜卷十
蘇州府志卷十
藝文錄四
吳人所作詩

借寇情殷無計留吳山圖記仿蘇州記君惠愛成佳話從此師山

合姓劉山係郡人劉銘所築

其二

韓治黃州政蹟多思黃州卅載尙吟哦神君此去應思海展玩斯圖

意若何

其三

僕本東州一腐翁同宗難得遇明公吾鄉也有獅山峙無限遙情
尺幅中



其四

俯海臨山好護持
朱霞天半繫人思
西園人詠追前度
合付詩癡與畫癡

其五

花栽滿縣比河陽
好把甘棠作海棠
如此高山同景仰
南雲北樹護江鄉

四月初六日常樂途次

夕陽滿地欲昏黃
不祝嘉祥祝歲穰
鳥語花香風在竹
蚕眠葉老

劉氏支譜 卷十
蘇文錄四 族人所作詩

月挑桑衝波鵝鴨雙浮綠隔水蒹葭一色蒼莫道驅車歸已晚閑
閑十畝笑人忙

右丁巳吟草

春野有感

竹籬茅舍趁溪斜繞樹扶疏三兩家世外桃源何處覓且從此地

問桑麻

其二

人在叢陰萬綠中柳烟漠漠雨濛濛鳩聲啼破春婆夢空抱癡心



一點紅

聽春書屋詩存題詞

昔聞楊大眼今讀聽春詩
丰格三唐峻縱橫一劍知
長城歌古調出塞補新詞
猶憶遼陽地風聲露布馳

其二

海內知名士都歸武壯公
禮羅爲上客投筆竟從戎
想見千軍掃能成一將功
平韓獨不詠遺著拜高風

磊園分詠初稿



此地頻流曲水觴重來深柳讀書堂
逍遙野服嗤袍笏不羨濃妝

學淡妝

其二

十畝桑麻徧野栽延賓又見草堂開
分籌酒補新詩債醉看山迎好月來

鐵仙孔屏賜書虎字

予生本是甲寅年嘉貺書頒筆亦仙
文炳敢參周易義袁宏小字

古今傳



古今傳

其二

荒烟古木陣雲橫豈爲驚人始一鳴鳥亦曾參天性孝烏私一表
獨陳情

由小海赴通途次有感

車走林陰夾道中木樨香送一天風棉經百鍊霜欺白葵是孤芳
日向紅常稻翻匙鄉貴熟利麻就織女呈功莫嫌楓荻秋容老秋
到黃花便不同

師山別墅菊花會四絕

幾回風雨幾新霜百種牙籤記冷香三徑遲開秋不老籬邊有菊

卽重陽

其二

金疊浮菊慶諼堂新媚簪花亦奉觴我未登堂應補祝南山詩詠

壽無疆

其二

一詩換得兩團尖八詠樓開韻自拈誰識霜枝冬更傲義熙甲子



企陶潛

其四

橙黃橘綠景相催
尚有秋英滿院開
佳種由來多耐久
晚香深處

見清才

題袁靜春先生黃文獻公

名潛字晉卿墓志銘

盛世巢由志尚全
生逢陽九獨貞堅
潔身殉國皆忠憤
應與文山

一樣傳

春野



綠戰紅酣雨乍收桃花搖落菜花稠柳煙市地雲如幕麥浪滔天
屋亦舟一路紙鳶風撲面幾家巢燕語從頭春婆有夢晨初醒策
杖東臯傲五侯

題翁絢孫女士關山雪霽圖遺墨

海內文章屬老蘇如何天奪掌中珠傷心十八年前事留得關山

尺幅圖

其二

不畫天平畫太平天南山勢更縱橫謝庭清詠松壺筆一抹雲巒



雪後明

其三

承歡穉歲卽稱賢
剜臂焚香母病痊
最是彌留猶囑弟
拳拳心事孝親先

其四

滄海難量哭女愁
淵源家學數從頭
墨痕不共曇花隱
壽筵抵彭篋八百秋

閏月六日和鎮遇雨

劉氏

支譜

卷十

藝文錄四 族人所作詩

十七



風捲雲飛雨陣橫塵沙市野客心驚停車茶話涼生腋催得新詩

又放晴

右戊午吟草

題龔心友五湖秋泛圖


我祖文章氣節純東林復社共垂綸尊王講舍山深密何必桃源

始避秦

先十世諱羽儀諡孝惠東林講學悉宗陽明爲周忠介公順昌抗義思宗徵召入都鼎革時教授支礪山中建尊王

書院與復社諸君游尊王者宗陽明思明社也

驢背能傳書畫囊吳中山水費平章三徵不起徐高士礪上重尋



舊草堂

徐俟齋先生隱居磻上湯文正屢徵不起足跡不入城市者三十年以書畫掛驢背與世交易咸稱爲高士馴驢

山塘七里水清幽名勝由來說虎邱不信生公能點石獅峯何事

肯回頭

七子山象獅形兩峯對峙朝拱虎邱生公講臺在試劍池旁相傳生公說法頑石點頭

岩嶢鄧尉我家山萬樹梅花香雪間曾記讀書蕭寺裏松風水月

悟禪關

先孝惠公隱居鄧尉迄今十葉丙戌偕同志九人讀書聖恩寺中枕山面湖上有松風水月四字宸翰丁亥年窗外

梅花兩度盛開

試茗來烹秋葉泉萬風臺上望波烟尋幽莫負山僧約翠竹蒼松

路曲旋

石樓在潭山窅深處泉形秋葉旁有萬峯臺

劉氏支譜

卷十

藝文錄四 族人所作詩

十八

懸崖峭壁巨靈開絕頂登臨掃石苔俯瞰太湖三萬頃天光雲影

共徘徊

石壁在蟠螭山有北固臨江之概

銅山銅井倚天空黃葉丹楓點綴工行盡江南秋正好桂花香送

稻花風

銅井爲吳中第五泉嶺峻泉高別開生面近山多桂

大樹將軍廟貌新廟前古柏歷千春清奇古怪畫難狀樹亦猶龍


而况人

司徒廟漢司徒馮異也古柏神奇相傳漢時物或云元時物

七寶泉香劍氣橫五雲洞口晚霞明看山不買游山屐贏得扁舟

一葉輕

七寶泉五雲洞在鄧尉山陰下臨東庵水爲泛舟入光福鎮首途



放棹銅甌菽港寬蒼茫崦水月光寒畊漁軒外山如畫應與西湖

一樣看

銅甌港從太湖入光福孔道此崦水即西
崦耕漁軒係先孝惠高弟徐采圃故宅

赤松仙去有天梯貝闕琳宮路不迷
簞帽峯高雲欲滴望湖若練

衆山低

穹窿山道院相傳
有赤松子仙跡

西施浴後水留香艷說靈巖屢廊笑煞醉僧空
有石游人載酒

萬松岡

木瀆鎮名香溪醉僧石萬
松岡皆靈岩十八景之一

姑胥山下白蘋鄉香花草吳宮蹟渺茫
行過越來溪畔路莫將霸

業問滄桑

姑胥山有姑蘇臺一說在橫山荒遠難考
越來溪石湖枝港是於越之吳之故道

七子堯峯接尙方石湖山勢鬱蒼蒼問潮有館無人問隔水樵夫

話夕陽

國初汪晚自號堯峯山人尙方見吳山圖記問潮館亦石湖之勝

誰言七十二峯高欲入包山興自豪指點西施採蓮處縱非消夏

也停橈

包山卽洞庭山消夏灣探蓮涇卽吳王擲西施往蹟

游徧三江接五湖分齋治事直追胡風流儒雅吾師表合詠吳山

一幅圖

先生司訓郡學修葺亭院植樹浚池公餘隱詩兼酒瀟然有出塵之志

葱山古鏡歌

太湖萬頃波不揚葱縵兩山鬱相望葱山平遠名漁洋中有寶氣



騰輝光農父荷插事麻桑鋤得寶劍三尺長古錢二千古鏡雙大
鏡龍文篆鐘鼎小鏡無篆績鳳凰琴僧貫澈拓鏡文贈我拓本費
平章田氏作鏡尙可識餘字廿八不可詳噫吁哉有錢難買漢與
唐有劍不斬豺與狼惟此銅鏡苔色蒼磨而益明氣昂藏照見千
世萬世人肝腸

丙戌丁亥讀書鄧尉山窗中遠岫檻外明湖寺僧貫澈知詩能
琴一日山農得鏡貫澈拓圖爲贈今於紙堆檢出事隔三十年

不勝昔感詩以永之



續五湖秋泛

頻番游歷徧吳邦北望虞山已到江
蠡墅揚帆過蠡口兩尋踪跡

兩停艤

蠡市近新郭蠡口由齊門赴琴川之中道

陽山靈異白龍池龍母祠高頌孝慈北望圻亭南澣墅四圍紅樹

覓青旗

俗稱陽山万丈高不及穹窿半級腰澣關一帶南北望亭古長

洲地無錫縣交界



金閭城外鐵鈴關
楓岸霜紅水月環
有客題橋尋古寺
鐘聲隱隱認寒山

楓橋之南支硎之側另有寒山

層巒疊翠萬山深
無隱庵邊萬木森
有隱不如無隱好
逃名更見命名心

無隱菴在靈巖天平蜿蜒處幽秀異常

寶帶橋長鎖九霞
三江水利此津涯
游人不識黃天蕩
卅里波香

盡藕花



寶帶橋五十三園洞荷花蕩誤稱黃天蕩

綽稷天旌忠介公白蓮橋水表清忠五人有墓同千古宿草常留

碧血紅

先孝惠爲周忠介公抗義五人爲忠介死義忠介白蓮橋人有

清風忠世坊

園橋十二影縱橫纔過行春又越城貪看石湖好秋色穿橋打槳

月三更

行春越城兩橋並列湖口吳俗八月十八日畫舫遊湖謂之穿



月

圓明園弔古 癸丑補壬子

西塞歐氛刮地來滿園金碧劫成灰落花泣雨渾無主老馬嘶風
尙有哀宰相委蛇身獨善將軍跋扈禍全胎穆嵩潘檜多苛論只
爲當年海禁開

道光朝穆彰阿專權誤國妬賢和戎致召毀園北狩之禍潘相
不能制其門下士時人以穆嚴嵩潘秦檜目之穆固當矣潘殊
已甚



劉氏支譜
卷十
藝文錄四
族人所作詩

右師僑詩藁

聞蛙 乙亥

簾鉤初上月三更燈火親人倍有情靜坐不應嫌寂寞讀書聲裏

亂蛙聲

其二

一點殘燈明欲歇黃梅雨霽寒雲沒吟情耿耿未成眠蛙鼓聲中

夜半月

其三



酣臥初驚覺似癡
呶啞兩部四更時
恨渠不識晨鐘點
依舊來催
夢裏詩

戲題劣畫泛湖圖

丙子

琵琶彈罷荻風柔
幽咽餘音付急流
幾欲轉絃翻一曲
知心誰似

白江洲

丁丑省 高祖墓登石樓

萬峯臺上望湖光
七二峯嵐入渺茫
策杖尋芳村酒暖
山僧煮茗
石泉香青梧近水
宜新月紫竹臨風
拂短牆紅杏一枝
梅十里晚

劉氏支譜
卷十
藝文錄四
族人所作詩

歸半爲看花忙

寄懷張朗巖朱子祥濮綏之

別來江海路迢迢僻處荒江我寂寥每憶迂塘明月夜嘯歌同步

虎山橋

鳴蜩嘒嘒夕陽天海角天涯思悄然南浦春雲從此別西樓望月
幾回圓山川迢隔知音少筆硯荒蕪舍已田珍重魚書相問訊故
人無恙醉中仙

虎山橋晚眺兼懷舊友



渺渺太湖水，峇峇光福山。
登臨皆勝地，窈窕非人間。
思與嵇阮向，扁舟數往還。
癡願竟難酬，別恨何時刪。
昔年在故鄉，西南得三妙。
忘年并忘形，同心復同調。
他山資攻錯，林泉共吟眺。
清風披素襟，明月朗餘照。
胡然帳離羣，春寒忽返悼。
海國怕蒼涼，吳山思繚繞。
盈盈一水隔，劃然每長嘯。
江湖暫分流，終焉相漁釣。
毋爲兒女態，兩地感蓬藿。

寄懷顧石卿譜兄

風動湘簾月正圓，綠窗燈火對愁眠。
相思不隔長江水，夢裏銅山

劉氏支譜
卷十
蘇文銀四
族人所作詩

路幾千

其二

螢燄高低照畫屏
夜深涼夢醉初醒
蟬聲斷續悲殘月
千里懷人

不忍聽

其三

襟上猶多舊酒痕
故人家住白雲村
神遊橘井心傳久
業守芸編
手澤存雲樹已增
兩地感文章猶記一樽
論良醫世德君宜繼也
要栽培良相根



江行

歷歷江山勝斜陽滿眼收雲開京口月風捲海門秋波浪連天拍
金焦插地浮秦淮何日到星火認瓜州

題陳遂青表弟小影

小隱仰清徽山居接翠微澗深泉自響苔滑草初肥待月琴初抱
臨風扇不揮此間無俗韻嘯傲竟忘歸古鏡照丰神鬚眉畫逼真
林泉舒傲地桃柳古今春綠綺閒中友青衫物外身紅塵飛不到

風景雅宜人

過周至德莊訪菊遇雨

天生傲骨說黃花勁可凌霜瘦更嘉獨向九秋撐晚節不隨凡卉
鬪繁華一尊相醉平原酒三徑如遊陶隱家已過重陽旬二日緣
何風雨滿天涯

途中口占

戊寅

荒村寂寞野人家十里東風未肯賒生怕春光無覓處一枝竹外

艷桃花

適野



水生荻港暖抽芽二月春深未見花
芳信仍教梅獨占數枝粧點
野人家

答楊霽塘內叔

月浸疎簾捲玉蟾西窗剪燭夜談天
同寅謬託推前輩寡過相期
仰昔賢

寒夜有感

戊寅時客銅甌顧氏

秋來怎奈病爲緣病到無聊轉恨天
黃葉打窗風似雨青燈背壁
夜如年莫言藥石功難補爲憶家山夢獨圓
澈骨驚寒心獨悄幸

逢東道主人賢

光福文昌閣卽事

開盡南窗眼界超
吟懷合遣酒杯澆
湖光照檻清無礙
山色經秋淡更嬌

其二

打槳中流聽所之
笠簑如畫復宜詩
漁歌未息菱歌起
黃叟青童一樣癡

重遊紫琅山



禪房曲徑路東西絕頂登攀別有梯望海樓空天地闊支雲塔聳
水田低緩尋芳草拈花笑貪看新詩認壁題隔院鐘聲烟霧外夕
陽敲破四山齊

通州奎星樓

層闌曲徑我徘徊竹院逢僧笑語陪雲水涵清繞村郭池塘倒影
撼樓臺渡頭人喚斜陽去瞥面山迎好月來爲待歸舟行不得綠
楊隄外暮烟開

替花愁

劉氏支譜

卷十

藝文錄四 族人所作詩

二十七



東風有意催花老
三月暮春春最好
花落花開總自春
夕陽滿地無人掃

過常熟梅里 庚辰

潮平兩岸一帆懸
送客東風動柳煙
芳草斜陽春樹裏
疎燈夜市酒樓前
千尋塔浸河邊月
十里橋橫水底天
開到梅花過梅里
花香飛不到征船

香飛不到征船

重過石湖至薛家灣訪廉使公墓賦以誌感

九日夜懷



風雨昨宵收推窗豁遠眸重陽千里月長笛一聲秋對酒何須菊
登高尙有樓故鄉頻入夢和醉更神遊

花朝

辛巳

小樓風雨幾深宵戀戀重衾夢自遙俗慮慣從碁局解吟懷時想
酒杯澆二分芳信天留住十日春寒雪未消南陌何當開曙色踏
青人共踏花朝

曉行同周閔仙叔岳遊紫琅山歸途作

野鷄啼月聲聲冷林鳥銜花語語香酒旆青招驢背客板橋紅踏

馬蹄霜

其二

池塘春草已聞蛙
載得尋芳酒一車
樹裏鶯聲花外路
東風何處

問三義

迎夏

莫問殘紅點碧塵
綠陰滿地一番新
最憐四月初三日
啼鳥聲聲

猶當春

文君鼓琴圖



一曲琴千古題橋婿亦狂至今圖畫裏想見鳳求凰


題吳筱松照

盤桓撫孤松三徑絕塵俗石竹瘦而腴澗水清且曲東籬菊自秋
呼童勤灌沃脫帽淡無爲手把詩一束補讀趁花間爾意闕金玉
兀坐久忘歸苔痕沾襟綠

右鳳樵吟草

前門夜市

樓臺重疊競繁華紫陌爭馳七寶車却喜金吾除夜禁曉鷄聲裏



好歸家

內城有感

自棋盤街迤東至崇文門止
爲各國使館界築營駐兵焉

十載滄桑感慨多聊從荆棘訪銅駝
長安街北鴻分界海岱門西
鳥礙過金闕曉鐘成寂響玉河流
水咽寒波桃花前度依稀認此
日重來發浩歌

自天津發濟南

首站名
楊柳青

天津橋畔起長征楊柳青青第一程
纔過黃河山不斷萬峯遙拱
濟南城

道經德州望禹城二絕

九載懷襄患未平
奠川作貢告功成
燕齊溝洫今何在
千古空留一禹城

汶口 在袁州府汶上縣

世界都爭捷足先
忽從汶上憶高賢
宗邦人物稱淵藪
可有蘆衣閔子騫

臨淮關

林巒失翠雪深埋
百丈飛虹跨水涯
排闥兩山雄壁壘
當關想見



劉氏支譜
卷十
藝文錄四
族人所作詩

李臨淮

滁州

野蕪燒盡萬山空
車走懸崖夾道中
土赤石青陵半黑
歸途不見

夕陽紅

花旗營

皖省止此南即江省浦鎮營北
烏衣站與白下烏衣巷同名

山營落日照旂旂
客路三千鳥捲飛
此去鄉關知不遠
游蹤當記

兩烏衣

寶蓋山

鑿山爲洞車行其中吳縣洞庭
山有林屋洞聞通洞庭湖云



叱石鞭山未許豪，洞天別具嶺雲高。儼如林屋通幽徑，幾費神斤

鬼斧勞


丹陽

己亥庚子
秉鐸是邦

金陵東下插山巡，路入雲陽石不粼。遙指尹公橋畔塔，舊遊已隔

十三春

右京游襍詠



劉氏支譜

卷十

藝文錄四
族人所作詩



新民主社印刷所

電話南門二二二一三

地址上海大馬路新報社對面






劉氏支譜 卷十一

傳芳閣藏復社諸君詩文

劉漸于先生小像贊

說者謂劉先生德高才大影纓雲臺以政業重天下又謂劉先生貌古神清袒襟苔壁以獨智傲天下其間顯晦榮辱進退行藏先生之目熟嘗先生之心且涼果有特識懷賢謂先生宜顯不宜晦宜行不宜藏斯人焉儘足以擔當

社盟弟沈灝讚并繪



沈 灝字天民號朗倩一號石天府志吳江人工書畫性豪放

山水近石田畫史彙傳長洲諸生詩歌文辭眞行隸篆無一

不能書畫過目考吳縣人著枕瓢焚硯諸集爲先孝惠公績


坐立兩像以山水補圖并讚今存

爲 漸翁大人紀畧并贈


紀畧紀之畧者也丈人德齒已爲鹿萃賓郡守業操几杖躡三老

綯履乞言是可詳矣何尙畧爲顧丈人年雖艾神明不衰將來者


不可量也徐野民年八十歲讀五經爲課衛武無以耄舍我丈人




安可已哉吾憶丈人行如補衲輒輯不復次也丈人仁靜落落屣
屣坦衷可洞其孝友天性也兄弟雖折箸常一爨姊姊既出襦不
異居孤藐相從恆十餘口分多勻薄悉力挾扶邴道徽之頰吐飴
哺兒淳于恭之身自捶悟侄也其爲文不立體以明高其爲師不
標榜以示異其爲學不矯飾以取功名也柏梁建安咸有體製下
至宮眷舍人皆有色目丈人不然文章之道如聲在竹孔少音缺
多則音備故婁東金沙唐墅未興也丈人先其曹鳴何體之可立
解觚之興人競相師以沽名譽丈人不務師名楚楚相煦如胡安




定門人衣冠譚止不問出於安定之門也張吾貴門徒千數行業
可稱者寡劉獻之著錄數百也悉通經之士繇丈人師嚴道尊可
以賤世游子弟矣何甘陵標榜可得施歟丈人亦善周忠介公吾
師也當殺癩熒誤熹宗忠介堂堂折而不撓事關黨錮急發執金
吾車騎到州郡百姓惶恐奔走遮吏部竊見從騎懸黃執植羽葆
鞞輦負闌匈匈氣成霓索帳帟什器又使賣買既問牛已問豕又
復問羊限使獻奉百姓愈益怨憤會假子毛中丞來百姓蜂擁蟻
訴之中丞弗顧丈人唱言曰委鬼人耶奴也吏部居官不與百姓



水火交居鄉家如水乃撓巖之既用三木械無罪者又索行金錢
金錢入亦死不入亦死天道獨不反耶士民一慟忽如山塌而騎
吏仆矣什一二活祈請之聲哀咸曰事在獐犬天王聖明也繇是
吏部渴百姓爭進梨蔗吏部卓立久百姓挾持使坐爭脫衣構爲
茵吏部益倉遽無所措是日感動天地風雨晝暝士子服衣冠宿
道上不去吏部從間徑馳矣人言丈人罪至大逆縱不服誅卽薪
粲析足未有但已者也舉家起夜泣丈人曉之曰死生有命不關
相染郡吏卒來當就捕卽裝隨北矣賴太守寇得固請中丞疏使



放歸閭里有詔勿窮治思宗嗣服黨人一切洗貸丈人與諸禁錮
俱復還舍菜而士復有竊正直名以行其險獍者矣丈人謂垂衣
紳苦鄉里不甯作布衣顏冉耶弗與友會上舍延接授經丈人生
平志願欲一覲經石本諺曰不經數國子監不成大儒丈人貧日
西食而入貲走國門雖積脯哉異矣崇禎中議更科目爲辟舉憲
長汪如石公劾之署名保任謂丈人曰甄琛行不愧時但未薦李
謐以此負朝廷耳丈人曰北面事人亦何容易吾非志驕富貴但
性畏朝廷耳若使磨礮可驂何以異夫驥駘且睿眷求賢若渴朝



薦復營書賄西園侯爵君子耻與爲列吾何用官爲卒不就是皆
所爲不矯情飾名以功名終者也夫人心懷古古曰在昔昔曰先
民豈真以其更事多哉公慙卿卿慙長得一老成猶旗翼之壽於
磐石也丈人慎保明德勿替吾其永永憲焉望丈人如望歲矣願
隨邑人之後進九如頌焉其可以已與


丁亥強圉大淵獻涂月邑子姚佺灌手書獻

姚佺字仙期浙江秀水人居吳中周忠介弟子復社舊人按明
詩綜有聞鵬詩何事催歸鳥鈞翰喚我頻故園經戰後歸去

巷無人極其悽惋生平以振興風雅爲己任


徵君漸翁劉先生七袞賦得山中歌爲壽并序

不佞每謂洋洋百川崱崱羣嶽產靈靡紀隨珠和璞豈成孤貴特
未耀耳今世未嘗無古人亦良有是子房以借箸絕倫漢廷王謝
以清談風規晋代周程以講學崇重宋室獨商山皓首以無爲無
言而動色漢高何也未嘗不能諸公之所能而淵然太冲譬之道
家者忘形而見氣忘氣而知神則渾然載之元古若弼亮于唐虞
之間乃其所自表見己不佞性好古每向雲日之輝山河之貌以



爲太古自在而惜未見今世之古人及得交於先生令予神解心
醉猶夫山河雲日之在前也故漢有臯夔之彥綺季其人今世復
有綺季之儔則有先生在以陶唐古人而生于漢則商山而已若
處今之世則宜採芝于萬重山之中故歌云

先生先生爲綺里季兮爲夏黃公門庭弟子又似乎王通可以佐
治理亮天工胡爲乎天地閉賢人隱將軍數奇不得侯封郡守登
薦津要閉蒙家徒四壁苔厚草豐隱居行義於其中逍遙乎春容
今何時乎今何時乎天地腥異氣山河被殊風丹穴歸雛鳳蒼淵



藏臥龍歸來兮歸來兮青山之空芳桂之叢安予臥神融融啟予
戶雲濛濛日落月出晚素朝紅水明霞繡木秀山嶺其神明登於
紫府之上其儀度與造物之象俱宏先生自以爲唐虞之可挹義
皇之可逢安居乎山之中先生之身隱而道乃崇外其身而身存
兮不知天地之始終

盟弟蔣元太具

蔣元太印靜寄印桐陰館按府志著有庚癸集吳中科第錄三

卷困亭詩鈔



余於


漸于劉先生雖未執經爲弟子然而師事之蓋自庚申之秋得識韓荊州也丙寅又與先生同罹璫禍先生今七十余亦衰其世事滄桑觸目增感流離患難之中弗獲卮酒介壽聊賦小詩以補稱

兜云爾

憶昔橫經教授時曾從臯比聽譚羲班荆幸與稱小友問字何殊

是我師土室向同名士禍蒲輪還謝聖人知先帝時先生曾辭
微辟拂衣而歸只

今遺老誰堪匹惟有寒山一宿耆時文彥可先生亦
以七十隱寒山



通門後學王節拜手謹賦并書

王節印貞明府志吳縣諸生逆闖矯旨逮周吏部士紳抗義

與先徵君文震亨沙舜臣殷獻臣同罹璫禍崇禎朝奄敗復

衿已卯舉於鄉祀五百名賢祠人名辭典貞明號惕齋工書

畫名小輞川有惕齋詩稿

衡門散帶已多時藜火傳經坐虎皮處士星臨高士會黨人碑震

聖人知幅巾芒屨花爲約白髮青山歲與期乍到丹成觴玉液坐

來麋鹿盡啣芝



奉壽


漸翁先生七袞用王貞翁韻并祈 教政

通門後學費誓拜稿

費 誓 印 吳 人 子 仲 按 人 名 辭 典 字 所 中 號 仲 雪 吳 江 諸 生 博
學 工 文 明 亡 後 棄 儒 冠 服 野 服 徜徉 山 水 間 有 寒 松 堂 稿 及

詩選

君不見舊隱藍田山神仙爲徒絕塵寰目中且無赤帝子何妨形
骸與草木而俱全鄧尉山水真奇秀沐日浴月百寶受或山而樵



水而漁荆珠鬱浦靡不有先生先生隱於此間蒼雲綠雨晝往暮
還先生不是今世士乃是鳳凰麒麟間氣之種子不苟笑不苟言
孝弟爲田仁義矢文章備先秦之棟梁節氣又東漢之桂薑總是
偶然外現之劍芒而先生固冥冥而翱翔先生匪形隱而德隱蹟
然確然與山石而俱靜炯炯有道出羲皇甯同名利較紛競或披
當年義熙詩或夢他年建武儀喜且不形怒何有不驚吾桃源鷄
犬之嬉嬉縱然干戈動陵谷先生風神自肅穆無技無能眞粥粥
手把書罇雜松菊有子稱吾師太古同襟期不讀凡間千祿字同



向藍田問紫芝鄧尉何名由先生名鄧尉何德由先生德司徒廟
前有古柏柯如青銅根如石眼看壽德與天齊虬龍凌空二千尺

門下後學徐晟頌首作歌爲

徐 晟印楨起按府志字損之一字穉聖長洲諸生樹不子有

陶菴詩文集姑蘇續名賢小紀雅碧梧軒雪香稿明詩綜謂
以陶潛自比題其詩爲陶菴詩刪兼畫明遺民錄魏禧稱晟
爲吳門隱君子謂其詩頓挫抑鬱卽辭有未工必不矯飾以
自害其性情父子俱復社中人作述甚富平生文章氣節兼


尙未句并見四百家遺氏詩

劉先生漸翁夫子壽

劉安鷄犬欲仙時
蕙帶烟裙冠鹿皮
名利丹山處士傳
身膺絳簡
帝庭知斑衣
試舞春苔色
藜火長燃子
夜期耆德一人真
世瑞敢將華髮誦神芝

晚學陸來拜草奉壽

陸來印愚齋號陶儒吳人明詩綜紀其梅花詩一首踏殘三徑草蕭蕭藉有幽花慰寂寥
幾縷煙痕恆繞屋一灣流水慣




依橋寒輕籬落禽初啁春入園林雪未消臥後參星橫夜半冷香
吹夢月迢迢淡遠入神以梅自况

漸翁劉先生七十壽詩并序

先生五朝耆哲也其文與行得遇孔子當在曾閔游夏之列天何
使之困而老耶少壯時已爲世重四方髦士從遊仰止者不僅濟
濟我吳下與周忠介公爲生死交緹騎之變幾蹈不測先生聲色
不動尋亦得免於禍自後名益重有司聞之天子蒲輪至燕意謂
講幄論道如宋朝明道先生何以加茲然當事者無知已復困之

劉氏支譜卷十一
藝文錄五 外人爲族人所作詩

部試先生遂拂袖歸與二三子優游講道有終焉之志亦足樂也
雖然年已七十矣天又困之以用夏變夷之責抑又何耶不肖瑀
不敢以世俗所以進觴者謾誣先生而略述其概以爲之詞如此
聖世徵君劉夫子龐眉講道門如市鳴琴一室守先王蔬食菜羹
歌樂只壯時雄節礪交態直養浩然中不倚著書維存千古業山
巔湖涘遲又軌從者數百傳道器皆能足發窺遠旨文章炳曜天
地間涓瀆穎水資神理攬轡澄清志欲酬囂囂不數膏梁士江河
日下嘆歸與京國翻思丘壑美一丘一壑亦性分春雨秋風藝粉



梓受用由來靜裡功百四十年不足擬學到從心當世變姬公無
夢乾坤毀天留夫子覺斯民百川之障狂瀾砥吾徒私祝介一觴
松茂竹苞膺帝祉

甥婿陸塙敬題

甥婿陸塙印髡臣氏

典型猶恃老成人今日仙源好問津絳帳不虛連總帳清塵能遠
辟胡塵德全紀渚含元炁品儼林宗別衆倫對菊南山但把酒聞
鷄曷用舞前身

其二

洞庭木葉感秋深松柏依然賁士林筇杖到來消擊刺烟霞剩與
快登臨山中函丈爭師表世外安禪統道心思漢有人重下釣十
年遲夢待相尋

通家晚輩虞權拜祝

虞 權印文初長洲姚宗典之隱名也文毅公希孟長子與弟

宗甲宗昌同列復社崇禎壬午順天舉人敦孝友重節概國

變後隱居山中有震菴詩文集

見蘇州府志復社姓氏傳略



祭酒文壇自弱冠還欣碩果五朝完行爲士楷稱龍首學仰經師
笑馬肝絃誦百年心愈壯風霜千尺歲徒寒河清難值非熊夢且
效遺民事悉擅


通家晚生朱實祝詞

朱 實印雲子又朱隗私印按復社朱隗字雲子長洲諸生雅

尙文藻與張溥楊廷樞等分主復社五經文字之選詩追中

晚唐徐禎卿唐寅之流亞有思聞稿見江南通志

劉漸翁盟長降齒交予久矣交情浹渥尤在溫麻同館之日今皆



戢影于吾吳之鄧尉秀山明水吟咏晨夕彌久彌親矧翁壽當字
耄能弗以一歌侑春酒乎翁曰可予喜而抽筆爲古心歌

童初曰號古心人飲善餐和道質真驟馳六藝之珍駕文權早歲
能振振具詮卷軸十五國相文亦有九方歎矚雲立雪仰神鷗及
門弟子邁邗津德器升榮爲國器紫宮彤陛影長綸放崔屈賈其
如命貞隱自稱麋鹿臣荷衣蕙帶堪行樂攤鉢澆書不計春有時
貝葉及葢簡有時瑤笥及絲尊黃虞世界留胸腹玄之又玄醇乎
醇笑他風實纍纍者太上丹樞惟至仁授翁玉杖高九尺沐日浴




月詔方新今身直是抱朴子甯羨張忠與李恂古心人古心人古
心一歌向翁陳

社弟劉湏拜祝

劉湏印庾直

聲名南國孝標門秋水芙蓉幾度翻衣冠到處推尊宿桃李成蹊
無一言檄召賢良仍獨臥碑鏤元祐乃同論五朝曆曆興衰事高
枕希夷酒一尊

通家晚輩邱民瞻筮祝併正



邱民瞻字天民長洲諸生少游文震孟朱陛宣之門持身甚嚴

篤於倫誼國變不入城市徐晟立傳見吳次尾應箕樓山堂

集與天民雲子維斗贈答詩極多


漸翁先生四十年所仰矚夢頌也山中萍合詢年正得七旬乃先生副車一擊日卽先君土窟自囚時齊齡媿德觸我往戀雖慚太丘穎川之歡豈祇虎賁中郎之感直杼茲語用伸父事云爾用履長韻

挹公鬚頰憶先子乙丑厄期弔燕市拊膺蟬蛻二十年公更婆娑



歌樂只朔籟重捲舊宮妖壁立芙蓉屹何倚顧厨案中郭有道空
山寂曆揮車軌天門晝閉地戶塞子半回陽領玄旨青城積雪赤
城霞嘯虎鞭龍具神理回憶當年慷慨時氣壓江南百萬士京貫
萌芽尙刺天安能七澤菟遺美歸去來兮釀秫秋過酒墻頭玩庭
梓濠上魚梁柳下籬莊耶陶耶憑公擬白髮笑呼兒輩言親見諸
君齒未毀蘭苔翡翠勿輕狂勁潔尤資松鶴砥他時聘幣訪雲鄉
但祝中朝衍新社

晚衲米拜祝



晚衲米印米印譜孟按明詩綜薛案字諧孟武進人崇禎辛未
進士刑部郎中出知開封府隱鄧尉號米堆和尚顧澹湖消
夏閒記引居易堂集薛郡伯自謂吾名案今不冠當去一今
剪髮當去一僅存米字因名米號堆山李養一有薛堆山文
集序錢牧齋壽諧孟序處爲醇儒出爲良二千石脫屣富貴
蜚遞流俗并見明儒學案歸元恭文集諸書鄧尉東麓曰米
堆山柴莊嶺均以形似得名腰有五雲洞下有七寶泉無名
氏雜識米堆山人毘陵薛刺史諧孟也



世衰老成謝賢哲罕其儔高躅有劉翁士林碩果留冰霜日以厲
而不繞指柔氣節固岳立不爲名譽謀木鷄養更邃良玉比純修
說經每重席匡坐談魯鄒盛德獨無位知道可勿尤憶昔鈞黨日
與翁亦同憂今復共患難携手歸林丘山水旣茸蔚泉石自閒幽
有酒相斟酌高吟各唱酬良辰且行樂勿復問春秋

中道人復敬頌

中道人復 印維斗按復社楊廷樞字維斗號復菴吳縣恩貢生
崇禎庚午科解元創立應社合爲復社名滿天下周忠介公

被逮之役公與先孝惠公上書巡撫首先抗義甲申聞變誓
以身殉隱居鄧尉明授翰林院檢討兵科給事中丁亥因吳
勝兆與沈廷揚諸君子通欵反正事敗株連就捕不屈斬於
蘆墟泗州寺呼生爲大明人刑者揮刀死爲大明鬼一句從
項出聲益厲見府志明人詩鈔小腆紀年明季南略等書公
在舟中絕食五天罵不去口裂衣書絕命詩十二首今佚其
半駢文家書二百八十字慨然以文信國自比家中婦女亦
皆殉節又攷祖尙書成父孝子大滌子無咎爲吳中三高士



之一忠孝節義萃於一門正氣浩然罕有其匹鄉諡忠文清
諡忠節崇祀五百名賢祠明詩綜著有古柏軒詩集

短歌贈祝漸翁劉先生七秩

先生七尺頤而長一代龍門漢元禮說經紛綸茵錦重微言解頤
中竅緊絳緯高騫班筍齊柝疑抉翳同金鑰手提玉稱量文苑宵
光鏘牡然青藜當年璫燄設置笱顧厨半繫銀鐙走蒲伏急難嬰
危機九京無愧稱死友潛德日曜譽日升安車行就賢良徵主爵
偃蹇拂衣去白雲自悅鴻冥冥著書名山壽千閨腥擾滄桑等一

瞬避秦應向武陵津安問人間魏與晉

晚學周璵拜手題

周璵印一字與偕名之璵字玉鳧吳縣人崇禎七年進士官

禮部員外郎居易堂詩贈周儀部五十韻迹隱東岡畔人稱
南國賢可想見其爲人明詩綜玉鳧讀史感懷詩六十首援
古驗今不失國風小雅之旨俟齋爲之序

崑崙山高宿海深曷德燁燁雄詞林禮樂三千曉月出鬚眉七十
惠風臨俯仰變化五朝事呼噏幽玄半夜心思漢長留典型在吾



亦抱瑟相追尋

右和姚文初第二韻奉祝

漸翁先生時丙戌夏日

通家後學章美書

章 美印 太邱長按復社字子美號拙生吳縣諸生以薦舉授

永城令明詩綜紀其出塞詩秋原燒不盡羽騎壓邊陲劍戟

霜花動風沙朔氣披罽開七伐鼓龍繪八方旂看勒燕然石

元戎寶憲辭寒山寺內書有寒拾遺跡四字頗似顏魯公筆

意



共歸耆碩魯靈光
秋晚丹崖松桂香
薦鶚先朝高介節
執牛前輩擅文章
入羣不亂游麋鹿
與古爲徒溯上皇
三老再逢修漢典
九如何必祝陵岡

後生楊補敬祝

楊補印無補號古農按居易堂集其先江西人父潤字伯雨

徙吳以醫名无補善書畫能詩孝謹重然諾好遊天下名山
大川盡閱巨室秘藏落筆如黃子久董文敏陳繼儒文文肅
姚文毅等推爲小友國變隱居鄧尉有故交求見不得已而



悞入州府心甚傷之鬱鬱數年以死遺命畫稿盡歸徐昭法
以繼數百年之絕業自定其詩稿四百牧齋爲之序俟齋爲
作傳志

漸翁徵君

大隱冲規葆令名那居高步狎田更家無菽稊歸元亮壁有藏書
老伏生三代鼓歌存寤歎五朝日月判崢嶸舊時黃綺今應在且
向南山共采榮

東國人倫有定評顏曾旧仲位先生文堪覺世資韜鐸道足居宗

備輔榮聖主徵車勞幣璧諸生奉席盛橋衡一丘此日尊肥臚物
表風光賴耇成

通家晚輩明裏賦頌

明 裏印俊明印孝章按府志復社孝章復姓金名俊明回吳
補縣學生號耿菴好錄奇書葉鞠裳先師藏書紀事詩謂有
明裏不寐朱記一證也明遺民錄少從其父宦甯夏往來燕
趙間任俠自喜工詩古文辭善書畫小楷師曹娥碑行書師
聖教序長於梅竹明詩綜鄭虔三絕孝章有之卒謚貞孝祀



五百名賢陸桴亭題五絕一首王漁洋錢牧齋歸元恭均有

孝章墨梅跋汪堯峯志墓疑年錄年七十四

仰止高岑數十年執鞭曾和衍波箋莫嫌天際風雲蹇自有壺中
日月懸古髮照梅寒帶白素心凝雪冷彌堅憑他洞口滄桑異獨
望桃源訪仲連


暫拋詩卷學投綸欲溯磻谿問釣瀝曩日杏林香未晚明年梅社
玉將新山中鳥語猶存漢檻外漁歌不是秦尤喜太湖堪釀酒醉
渠三萬六千春



明妙晚衲梅子賦頌

明妙晚衲梅子印吳梅印原生

先甫寡交合肩隨慎後先率衡拜夫子命曰人其傳夫子陋巷居
車馬不容旋養志和天鈞吹埴調雅絃文章儷韓柳談論吐瓊璫
鴻名賓其實聞譽聿以宣嚶鳴率名世門下羅英賢落落我自貴
不撓外物牽帝選下巖穴升聞古孝廉入京謝天子雅志在虛恬
歸來仍筆耕寂寞棲山檐遭逢日月暝痛涕傷脾肝時誦正氣歌
遠舉全緱蘭南山壽隱德松柏貞歲寒



夫子華誕門下弟子各賦詩獻誦衡拙未能亦呈巴里譬若草木
無知春風披拂自然鼓動則亦夫子至德所扇授衡以籟耳幸晒
而次之郢雪之篇

門人袁衡百拜具

門人袁

衡印春穀按貴池本復社姓氏錄袁衡字公清袁徵

字公白殆衡與徵兄弟同列復社同立我祖師門世居長洲

蛟龍浦頰墩宋遺老靜春堂袁易之九世孫也藏書紀事詩

叙靜春堂世德甚詳



夙昔曾施點石功門墻未許列頑庸胸藏玄笈千箱富手剪芙蓉
五色空膺詔共欣交欲泰旋輪已卜道終窮南山有酒觴耆碩醉
吐烟霞罩碧籠

一經垂老謝三餘滿腹經綸竟未舒髡髮已超胡俗障留鬚猶表
漢儒儀時偕桃李揮玄屑每見風雲護草廬稀壽再周千甲子携
筇長嘯意冲如

通家晚學生周師文敬頌

周師文印西侯氏明季吳門六孝子張蟾繪圖朱柏廬贊像陸



世儀書後周師文爲汪孝子允昌立傳袁徵爲周孝子尙文立傳汪與周均蕝溪人師文與尙文又全字輩然則西侯品

概略見一斑

致中夙昔飲香名七十年來罕世營
皜錦文章推季幼絳紗弟子
得康成雲邊出月懷同皎
天半霞飛抱獨清見說風流前輩訖如
今洛社有耆英

一紙書賢醉二參惟公能繼吐蘭音塵埃氣不沾
纖點王佐才還處半陰宣摯何妨誇漢聖孝標終是
老書滌看携朋酒觴堂上白



劉氏支譜 卷十一 藝文錄五 外人爲族人所作詩

髮蒼顏好寄欽

通家晚學方夏賦頌

方 夏 印南明按居易堂集字髯叟居西洞庭用里漁陽感舊


錄南明長洲人別號養春子著有廣韻藻徐俟齋懷人九首

之四用里有髯叟幽居稱隱君張爾溫寄懷南明詩孤猿自

是山中隱修鶴何妨天外知張亦遺老不入城市三十年通

音律善鼓琴

近來服象欲爲僧夢到家山曆幾層曾事幽溪稱弟子可從金錫



問眞乘樓頭把盞悲王粲湖上同舟憶李膺莫道稀齡今寂寞垂
綸聖代已三徵

同門弟管瓏賦頌

管 瓏印天台弟子正見按黃宗義思舊錄管瓏字乾三姑蘇
人中興天台教甲戌至其家拳拳於余別後寄詩一首越溪
寒色入之子意何深太華三生夢岷山一弄琴評書秋雨集
跌坐竹光侵可□□來約相思不自禁

乙酉季秋 徵君漸于盟兄七秩時在北山敬賦遙祝



誰言世道不相關寄跡烟霞心自閑觴酒且看籬下菊干戈不到
水中山一腔憂憤蕭疏裏半載家鄉夢寐間樹色湖光齊獻壽故
人三祝望君還

社弟湯復具草時年七十有六

湯復印鷗心鶴貌翁時年七十有六按江蘇詩徵小傳字六
修金壇人著有且存詩草

東南神區曰維震澤篤生君子沛國有奕惟此沛國舊啟漢宅交
德向歆明堂典冊



粵晉記明光輔多有於我勾吳鼎銘世守草窗大中隱詩兼酒俠
聞四方豈弟燕後

逮茲皇考和光貞曜濯濯介弟友樵侶釣惠訓里門匪怒伊教篤
生君子寬仁克肖

厥維五人君子其伯養始敬終棣萼懌懌陋巷晏如琴書和澤濁
醪欣欣抗談在昔

抗談在昔朋友攸攝念昔先人七真以協叔度汪汪張仲暉暉二
介令德雁行履躡



帶裳幅烏威儀孔奕令問昭宣四方來客四方來客設几授席不
欲如玉落落如石

曆季迄今士也好聞莫知其故車礪雷礪扶風之門康成最文涉
而不有惠風和薰

蝨賊爲孽戕我家國大獄斯起膺滂斯革網雉罹鴻上帝不直日
月光華聿章令德

令德聿章蒲車來徵觀光天子文明庶興見幾冥冥振翮遙層談
經序塾梁施作朋




我聞在昔九十好學稱道不亂德行有覺于今爲烈君子是倬率
先問易光施蕙幄

縣車之歲迺亂迺豸敬頌闕宮周公是翰彼何人斯錦裳燦燦藐
我庶士歌思維嘆

縹緲伊峯鄧尉伊麓御風冷冷友生巾僕嘯咏不廢採萸及菊有
德則樂受天馭穀

酌以大斗祝恆祝升壽考不忘子孫其承汝南作頌匪震匪矜君
子萬年福履登登



劉夫子壽頌十三章章八句

門人節孫明潛百拜

門人節孫明潛印節孫明潛印德陽道人按袁安節公墓志公
之立孫徵亦賢者與節孫之義合袁徵字公白明亡而潛與
德陽之義合袁爲汝南著姓原詩汝南作頌句一證也公清
有詩公白應有頌二證也頌詞書法與純嘏卷序文相同三
證也稿否待考

鄙言奉祝




漸翁詞宗老丈七袞并請

郢政

興高量雅豈尋常鶴髮鵬袍隱醉鄉不屑一官供揖讓却教四海
艷文章生逢畏世持堅操老覺無愁是秘方試問仙毛何日長碧
桃花下搗玄霜

神如秋水語如鍾和氣充然土木容夢裏自矜騎野鶴衆中誰不
識人龍攤書夜讀炊藜火步壑晴看偃蓋松何處爲翁徵上壽太
華峯井出芙蓉

通家教小弟姚選頓首藁



姚 選印修民按明詩綜陸履常和姚修民詩世逐浮雲換身

同落葉輕難忘百年恨誰殉一朝名去國懷公子憂時過賈

生江臯無限淚日暮不勝情攷陸履常名垣嘉定人隱鄧尉

劉漸翁先生爲五朝耆碩一代宗工予小子識面時已似田光所

云臣精已銷亡矣是以未及執義門墻然猶如隔垣桃李欣欣向

榮今秋逢第七表諸名流斐辭美韻狼藉几案間罪不揣謏劣且

重有慨於時事亦附短章以侑三爵珠玉在側覺我形穢昔人已

代予寫照矣



何人敢將混沌碎嶽秀川靈一身攫彼姝原是地行仙蒼翁故俾
爲本鐸瑤草琪花不易榮大器宏材自晚成滔滔疇砥中流柱世
間未有如先生先生心古貌亦古圓者爲規方者矩映我汪汪千
頃波庶爾優優萬間廡先生圭角盡銷鎔見者如坐春風中昔年
縱騎縱橫日幾將七尺觸凶鋒洵哉賢者不可測烈士剛腸侔雪
色碩德堪爲百世師時局何須嘆徧側忠孝節義萃厥躬還淳返
樸大爾功雕蟲小技壯夫耻肯將得失問天公咄嗟先生今七十
鳳德匪衰龍運蟄桃李紛紛滿江南樗材悔不程門立嗟乎姜郎

刺骨窮面目樵悴裘蒙茸淮陰胯下嘗相侮翁獨許爲匪阿蒙知
己絲來稱難得焦桐何幸承拂拭層層小言佐霞觴古語有云攸
好得

通家晚學姜匪敬頌

姜 匪印隱層印中有畫

道範高風古聖人偏于渡口指迷津和能如惠敦浮俗清可方夷
砥末塵鋤逆當年標大節著書千古絕羣倫宣尼教鐸師重整陶
鑄三千屬化身



避秦不厭入山深古木陰陰蔚鄧林黃綺茹芝漢祀永荀陳聚野
德星臨白雲堆裏辭丹詔冷眼場中留熱心蘿亦屏山門下士仰
瞻彌切費追尋

右畊漁軒全文初社長祝

劉夫子七袞誕辰次韻二首時乙酉季秋三日也

門人徐蘿百拜草

門人徐蘿印采圃印鷗史按采圃吳縣光福里人耕漁軒主
元遺老徐良夫之裔也軒臨虎溪崦水之勝名流觴咏其中

兼爲家塾講道之地顯志堂文集暨藏書紀事詩敘述甚詳
采圃時有姚文初社長之稱風流文采十世猶存我祖隱居
卜鄰良有以也今改入一仁堂不勝昔感

在昔瞻名宿於今頌老成干雲高節伍度雪澹懷并氣感非矜烈
才通不好鳴學端孔子戒賦重魯靈聲丹詔來天闕玄纁比列卿
一時驚異數三府借千城勸駕朋儕事盟鷗物外情湍流思勇退
肥遯賁幽貞山靜長儼古花明雅自京或隨麋鹿友時被薜蘿行
世蹇存吾道身潛畏近名超然評論表豈有濁羶櫻石性堅逾秀



松姿晚更榮風流日日美大斗酌頻傾

通家晚學金鐘奇敬祝

金鐘奇印仲從

尊道篇十章

維記有言矣尊道在嚴師師嚴知敬學其澤及蘭觴在漢隆絳帳
傳經實撥基在宋抗暈比談易徒費辭取本溯所歸後學跂望之
吾師神明裔代有特達修入明爲草窗高尙事王侯觀道求自得
讀書崇古猷恬隱劉先生覽揆頓嘉謀欽哉詩與禮趨庭肅衣摠

德稟生民秀守介萬夫望博籍解大意羣言則先良聿潤金玉身
爰作知覺倡首陽不絕塵柳下豈和光任茲重彝倫援彼汨五行
時負夫子墻勝稽孝敬言穆穆恭堂上怡怡及在原儻豆歌韡萼
靜琴協采繫栢捲逮手澤憐兒不忍翻矧茲所愛敬中藏何日誼
夫子惟順親信友斯獲君近悅乃交遠永譽非諛聞拍袖左孝介
挹肩右景文斷金諸碩德同聲謂我昆有詔舉所知嘉名錫五雲
帝曰愈子聞安車徵德耆登車疾攬轡澄清將在斯闡茸據高位
騏驥馭恆羈噏噫去長安寤歎念京師哀哉聖天子四方誰汝爲



歸與賦吾黨務本裁斐然本孝立人道本德上知天尊酒細論文
危冠揖古賢琢璧斲聖好學旄逾專出就賓筵飲還從講席旋
道關二千載欲渡河無梁高者鏤空塵卑者雕蟲章天都雲莊子
蓄數一葦航暗中投明月謠詠駭若狂夫子喟然嘆小子勿徬徨
昔從尹公遊酌泉知有淵殆當春風坐如負冬日挺教也自諸身
益矣不在詮欣際從心度擬歌遐福篇漢家厄陽九避秦越山顛
今夕是何夕開樽在洞庭相尋陶叟菊來獻用翁蒼波起驚葉下
帽落髮猶零但恨山河絮莫辭身世蘋故園祝難老醜酒向西青

門人何正榘白拜

門人何正榘印嘉量

達尊已久識今日幸稱稀古貌山中鶴穆風春試衣一清當燕翼
四勿印心歸更謝蒲申詔談經樂采薇

通家晚學生湯揆敬祝

湯 揆据張壬士同學書揆字思曠吳縣諸生國變隱靈巖好

吟咏遂世居焉生萬歷卒康熙年八十有二從湯氏家乘中

錄出壬士名郁文博學篤志著有木瀆小志印行



徵書見促賦都泥主聖無臣厄路輓桂樹何心秋祝學棗駝時涕
雨驅犂儒宗道貴麾文虎節俠年高進木雞得得風塵相遇晚無
言妙諦有金鑰

約庵處與

漸翁先生遂成良覲閱誦祝言亦叙夙懷以壽之并

政


通家衲弟大時韶羽書

大時韶羽書卽題簽之凌世韶也其稱約菴處遂成良覲据太
倉州志凌必正號約菴崇禎進士歷官京外旣遜跡荒野與

陳瑚華乾隆講道終其身人以類聚於斯益信

奉祝 向若世道兄翁七十嘉誕序

當曆季啓禎之初四方士結朋社馳聲名吾師孝惠先生爲多士
前行多士咸願吾師俯壇坵傾推輓而吾師落落灑灑胸中能容
時流數百輩而口不言一切月日雖黃概不聞焉當是時予同門
諸生尊師學大都簡略譽聞修實于家者過半然如時物方春陽
和蒸煦士女樂游長干大堤雖有貞媛靜姝亦浮浮氣爲之動而
我世兄向若歛束衣裾結紵佩讀孝友之經善承祖父諸叔俯



仰退然行列絕去芬華榮貴之俗好安布帛而不羨黼黻錦繡
稻粱麥菽而不擅艷膏腴予兄弟師孝惠兄亦師先貞靖兩家之
父以道德相伯仲兩家之子又各以慈讓循謹相追隨然予方少
壯氣勝乎志對人議論涉世故升沉猶不免旗鼓相當揚鞭馳逐
之想語云不能靜於物者物亦不靜久之事變革更卽不無索索
矍矍隣震而躬驚而吾兄惟不干陰陽陰陽之患不得而賊之不
愆人道人道之悔吝存亡不得而撓薄之迄于今予自視尙在飄
搖瑣尾中而吾兄歷時移更壯老淡乎忘機安若覆孟堂構無恙

常若游于康衢一經授徒高賢名貴往往出兄門下而令子佳婿
尤能以醇醴飫兄山水花木娛兄門窗康食不憂促兄清靜自然
愜兄豈天之于兄獨私多祉哉實兄之能於時盈也不波故於道
消也不折昔之日於寵辱也衡不驚故今之日於常變也轍不易
輪轅不覆吾兄殆無意學老氏之道而深合乎老氏者耶違聞兄
之曾祖培橘先生道風玄穆以扁倉名高一時活人無數是生筆
山左方伯與師祖恆山先生予於方伯不及見而常侍恆翁元氣
渾龐飲人太和所謂况之于聲則朱絃而疏越一倡而三歎况之



于味則太羹而玄酒者耶故篤我師爲文章宗而大德不散大度
包蒙蕩蕩乎有陶唐氏之遺風焉四傳及兄敦樸厚重猶前服也
若籛孫兄弟居世紛拏幾於國飲狂泉人逐瘵噬而容我容心我
心道我道如故世德作求子孫其昌古識之矣然則吾兄吾嫂綿
綿其休豈獨在歷算哉而歷算無疆益可信矣正春三日屆兄杖
國之始敬舉一觴道平生相驩慶質言無華聲中其實亦古人頌
杖友之道也夫

通家世弟袁徵頓首拜簪



袁 徵字公白吳縣拔貢生有蘧莊遺稿周忠介公被逮諸生
抗義公白與焉事見明季北略荆駝逸史等書而璫禍未及
國變高蹈有靜春堂遠祖遺風并見居易堂集俟齋與公白
書又懷舊篇周袁交我紀羣間周指玉鳧袁指公白也

再公白兄弟爲先孝惠門人向若公亦爲袁貞靜門人先世
通家互相爲師今晤袁裔鳳君彝台喬梓於徐氏漱芳家共
懷先德叙兩朝舊誼溯十葉前因至足樂也在集後賢皆得
如汝南之匡我不逮跂予望之

新民社印刷所


電話南市二二一三

地址上海大馬路外如意街新增新街中





明太醫康民公墓圖




塋在長邑九都三十一圖率字圩地名里仁巷（俗呼里如巷）得地二畝八分七厘半甲寅補地二畝三分九厘七共地五畝二分七厘二完忙銀七分七厘漕米一斗七升八合

坎客金星槎子名步雲業堪輿坟前種桑成園甲寅立界石十塊乳母坟爲圖董黃金坤佔開花圃挖池與彼交涉認租立據歲完米五斗 祭掃陸路由錢萬里橋倉河橋陸家莊至石曲浜間里仁巷水路由銅橋圩至金巷橋上岸東南行至里仁巷祭畢舟轉旺河橋最爲穩便



塔紅堂景巖公墓圖





塋在長邑九都三十四圖制字圩地在虎邱山北以古刹名塔紅
堂得地三畝一分九里每年完糧銀八分六厘漕米一斗九升七
合乙丑查見界石三塊

坟丁陸阿長之孫名福全住姜晟坟堂屋內又陳阿海之妻

掃墓舟泊旺河橋一說由新塘橋直放旺河橋若與里仁巷同日祭掃水路由金巷橋轉棹陸


路步行約四里許







塋在吳邑二都五圖菜字圩得地三畝半每忙完銀二分九厘漕
米五升三合內外羅城高大無比一鄉稱爲大羅腔坟婦孺皆知
坟客周海濤有二子名世壽世福住坟東青石橋

掃墓舟過橫塘行春橋進石湖越來溪至薛家灣青石橋湖中七
子堯峯上方山水極佳




明先賢孝忠公之墓




塋在長邑一都十六圖克字圩坐落高景山右抱中峯嶺左抱謝
堰嶺地名金盆塢坟前餘地道光十年被陳懷仁堂侵佔盜葬經
韓尙書對石殿撰韞玉理勸拆去陳氏羅城收進八風拜臺讓出
過路各清界址吾族每歲完銀五分四厘漕米九升縣示勒石在
光福老宅乙丑查見界石六塊

坟丁鐘水兔闕福全均住東山灣觀音堂頭

掃墓水路由白馬澗上岸平路二里許至東山灣陸路由觀音街
上中峯嶺下嶺卽金盆塢亦不如繞高景山進謝堰嶺之平坦



西蹟山爾琴公墓圖



劉氏支譜

卷十二

墳墓錄

塋在吳邑十九都十圖 字圩西磧山麓窰上村黃石牌歲完糧


銀二分二厘漕米三升三合立戶劉家坟其地亦名劉家山乙丑

查見界石六塊坟客吳源興又名書紳有子名阿大

掃墓由光福雇小網船泊窰上西村




潭東孟吉公墓圖




塋在吳邑十九都四圖慶字圩長岐嶺下地名小長坎頭道光十九年置王殿揚地三分光緒十四年置顧百春地六分五厘十九年又置王鴻標地四分計共地一畝三分半歲完糧銀一分四厘漕米二升一合乙丑點見界石五塊榆柏梅桑百餘株此坎現無坎客暫託倬卿公婿顧榮如代爲照管亟宜妥定


掃墓水路由太湖泊潭東港大浜頭或由窰上走潭西至潭東陸路由光福進山不過十數里風景極佳



竹溪公墓圖




塋在吳邑十九都二圖陶字圩地
名梓里上官路每年完銀二分六
厘糴米三升六合立戶劉敦餘堂
坟客翁阿小




鳴蒼公墓圖



塋在長邑九都三十圖率字圩康
民公墓之側以其形似葫蘆故名
葫蘆塚得地一畝零九厘有界石
三塊掃墓與康民公墓同路




定凡公墓圖



塋在吳邑十九都十八圖鳳字圩
百武頭頂半脚立戶劉自申完糧
米四升四合向無塚客無界石以
在老宅背後故也



子承公墓圖





塋在梓里十九都二圖遜
 字圩計山地一畝立戶蘊
 記歲完糧銀二分二厘漕
 米三升二合有界石九塊
 攷客許桂生卽其地之原
 主也





塋在吳邑梓里十九都二圖
立戶劉松谷歲納糧銀三分
漕米四升二合有界石二塊
攻客徐阿進





塋在吳邑十九都二圖地名

塘里村

攷客章雙才住塘里村




七寶泉汀泉公墓



瑩在吳邑十九都二圖梓
七寶泉左近無坟客并無
界石



梓里雲帆公于安么基南




塋在吳邑十九都二圖遜

字圩得地三分歲完糧銀


九厘米一升五合有界石

四塊

攻客王柏福



山塢里子傳公墓




塢在吳邑十九都十五

圖東山下脚山塢里有

界石十二塊

坟客姚阿泉住山塢里



子培公墓圖



(甲) 俞氏
子培公
守塚

山塢里

山塢里大道

銅井山

西噴山

西山


塋在吳邑十九都十五圖


養字圩東八步西四步南

十五步北七步半歲完糧


銀四分三厘漕米六升三


合有界石二塊無坎客





塋在吳邑十九都一圖李家村
四明公所背後立戶劉全冲歲
完糧銀二厘漕米四合







塋在吳邑十九都二圖梓里青
 石橋立戶全冲堂歲完粮銀六
 厘米一升一合



遷沙通奉公高梓雙墳圖

附啓明雜庚衍行壽域圖



路 廟在後院國東玉




塋在海門縣丁角沙江凡梁音案江家鎮河西南里許共得地六


千三百十八步





其地由子承公祖墓旁邊官路
向上山一直山路約半里卽至
在石牌坊王家坟左邊于民國
十九年春購孫雲山地二畝王
根泉二分又添購孫雲生王根
泉山地各二分共二畝六分糧
戶劉全冲堂地在吳邑十九都
二圖生字圩四址立有界石八
塊種松樹壹百四十八棵子孫
柏二對羅城石杲樹十三棵






啟徵壽坟在江家鎮
東楊圩官路南卽籐
盤沙楊圩是也




眉亭公墓
朝東向
溝





海門丁角沙梁音案卽七區江家鎮北半里弱豎河河西第一塊
東至岸界西至徐界南至周界北至周界南北濶十步東西長二
十步連墓在內計地式百步後於宣統元年在墓道前價買朱如
郎岸基地一方連前兩共計地式百步有奇前四址載東至岸界
者今可達至河界矣先嚴眉亭公於光緒廿年冬安葬先嫂楊氏
於民國十五年春厝於墓邊墓之周圍柏樹約五十株墓後冬青
一株墓前靈眼二株梧桐二株民國二十二年夏君培誌





新民社印刷所

電話南市二二一三

地址上海大馬路外灘新新街中

